




龍眠風雅續集



龍眠風雅續集卷十五

木厓潘 江蜀藻輯

李

雅

字士雅別號芥須高祖熙臺公春登景泰庚午鄉榜官至侍御先生少岐疑有文名里中

士大夫爭游揚恐後數奇輒不得志于有司司空雷介公延主家塾課子弟甲申乙酉之間方聞菴觀察出守粵之高州強與之偕以萬客應童子試為督學林公非齋所特賞補博士弟子即用拔貢生署江西崇義縣教諭槍攘中講學明道人士捧檠匝事之惟謹以兵戈道梗旋棄官挈妻子歸至望江妻子相繼歿司徒嚴端溪公聞其賢敦請為子弟師續娶廣陵一女子既又娶白門彭氏女集中有憶彭姬詩是也又受知于六安徐莘與太史講堂記室禮以賓師嘗挾之遨遊吳越間所至輒傾其坐客晚乃依其女築東皋草堂居焉先生性不諧俗村居雅非所樂日步屨入城南與故舊門生相唱酬或疑先生數棄伉偶有唐詩人崔顥之累潘子聞而辨之曰先生豈得已哉貧窶依人進止不能自主每欲買舟迎致而囊篋蕭然或卜饒又以他故不果觀集中故劍之思遺挂之痛略河

想見所著詩古文甚富同人為釀資梓其白描齋文集什之一二詩則未有刊本聞先生手錄五大帙自加丹鉛今索之壻女家不可得矣嗟乎韓昌黎潮海之文尚待表章于李漢楊子幼豆其之句不聞脍餖于馬遷彼其之子亦獨何心歟先生嘗自言一日行飯近村有塾師袖詩來贊咏之則秀生十年前舊句也笑而謝之因為詩曰手批向秀箋莊子親見齊丘竊化書鳴呼今人皆匿先生詩不出思掩為已有是何齊丘之多也予有事斯選逢人廣按不避勞勩賴石于漢昭李于士謂程子偉昭曾子亦傳吳子超麓齊子大齊各出所繕錄傾笥見授漢昭先生之侯芭也首倡捐金飲助鏤板其古處尤不可及先生無子初以外孫為之後既又以兄子奕豐嗣焉卒年八十有二卒之前數月丐予河墅一杯土已諾之矣復扶杖來草堂長跼不起以速塋為請予與西渠先生從史之而先生生在日已預礮碑一通屬予與西渠題之曰東皋李芥須之墓其亦聞趙岐司空圖之風而起者耶

程松皋方東來餉金刻集是猶吳錦雯之捐俸刻方爾止龕山詩也作此謝之即倣爾止體

往者吳錦雯蘇州作司李酷愛龍眠詩首推方爾止分俸刊其集海內皆忻喜謂吳為古人今人無與比不意古人風今又見程子程子官中翰風雅聲名起兼之工古文一揮輒數紙並有方東來詞壇屈一指二妙東南秀豈惟冠鄉里知我不藏拙有集欲授梓多君慷慨性捐資倡厥始因憶龕山詩得吳一人耳我有雙蘭交過於明農矣所嗟文字非此衷憎愧耻如何灾棗黎覩顏謝知已

途中逢張次皋語移時而別

亭皋葉未下隴首雲不飛秋山明淨粧皎日生光輝野夫行遠道賓鴻起落暉歛逢張七郎下馬立漁磯問我

龍門風雅集卷十五
往雷川何時方言歸我言蜡月初雨雪當霏霏是時騎
短衛歸途梅花翻七郎聞我言答云胡久違抗手一揖
去相望還依依老年戀朋友淚下溼裳衣

旱

皇天久不雨亢陽過三旬坐此團瓢中暑氣如薰蒸有
客自外來備言田間形穉亞成荒草池塘圻龜文縱有
桔槔力其如湖水涸湖水不近田遠睇空盈盈農夫心
未了夜仰明河明烏豬尚投河晚穀霑秋霖胡然朝抵
暮萬里無纖雲斑鳩啼高樹不見天色陰玄駒穿孔道
只助天光晴農夫始絕望號咷淚沾襟欲炊益無米破
竈空烟塵大人饑無言小兒啼莫禁眼見登鬼錄泉路
奔前程我聞客是言雙淚亦泔泔爲改陶杜詩臨風一
悲吟平疇交風火良苗不懷新好雨昧時節當秋不發
生未審我東臯風雨可停勺爰賦歸去來草堂持一尊

寄佟公子儼若

三韓多鉅族佟爲面上睂博陵與范陽何足稱爲奇史
記諸世家今日復見之衣冠難指數子弟皆蘭芝所知
儼若君聲聞四遠馳旣爲貴公子又爲鷄壇師陸闕本
佳人較君無雄雌古之大名士亦具傾城姿君才不世
出苧蘿產西施已擅兩京賦更工三唐詩筆頭諸近體
芬芳比江離讀在十年前終日不少移草窻風雨中吟
與轉淋漓心馳佟公子把臂在何時詎意天水堂歡會

非所期古人尚傾蓋知不過如斯已讀陵寢句十三陵
不遺雖非舉羽哭却有聖子悲 聖代恩德厚陵土還
欽崎比諸宋六陵無煩啼子鳩至性佟公子溫言感心
脾全稿咸高調安用古人爲自從官主墳益復饒好詞
黃絹幼婦間如君何須辭召詩佛頭青著溷豈相宜

贈石瓊甫

君家代有人原始於石碣爲衛賢大夫千載聲名灼流
傳至兩漢萬石家門廓丞相尤醇謹持身惟守約粵稽
典午朝苞崇有誰若子父俱豪邁莫漫肆唾嚙宋之守
道公風節殊磊落上書斥夏竦舉朝皆錯愕永城產曼
卿詩文出常格一時諸大賢投分如乳酪石氏此源流

亦自不寂寞散居龍眠里三百年如昨聞公會大父緯
武理戎索古泉盛司徒締好芟媒妁公自少至壯秉性
樂天爵所慕杜季良揮金踐然諾所愛魯仲連排難有
方略快心與熱腸崇厚而黜薄舉三丈夫子矯矯雞群
鶴今存兩驪珠寶光照階閣先後成均彥轉瞬雲霄鶚
公益勉自修聲譽益炳博所以賢太守徵書見莊恪江
城明倫堂主賓罄酬酢僉曰此盛舉曩往未有作歌鹿
頌嘉賓公允無愧忤我里諸同人值此俱踴躍涉筆今
古體真氣乃磅礴矧有賢侯文裘領表朱襦老儉亦製
詩詩成差不惡

繫舟 爲顛厓作

鄧子作繫舟舟從何處繫不繫江干傍綠楊却繫城隅
傍青桂我聞張融言有以陸居無屋舟無水鄧子此意
頗近之更置修眉花舫裡香山晚年嬖樊素子瞻謫宦
狎朝雲殊才麗色交相重不似魏宮空老薛靈芸夷光
生長苧蘿村少伯一見便銷魂吳苑秋風吹病柳五湖
明月照螭首湖上尚有風濤憂何如鄧子陸地之扁舟
恐舟繫君君不繫遠遊又生吳越計香爐茗椀付侍兒
嬌娥不敢留夫婿顛厓顛厓奈爾何置酒舟中聽我歌
我無繫舟安所任迫欲揚帆廣陵去

瘞鶴詩爲嚴生菴司農作

膠關距澥無多路澥上仙禽繁無數司農秋杪權膠關

雙鶴買來共朝暮若較林逋恰相如開籠放去還歸廬
若方趙抃增一隻空庭舞罷還窺客爾時余客司農廳
陰晴間對此修齡常言人壽不如鶴誰知鶴命有時薄
司農留此雙鶴時一飲一啄兩同之甲午甲朝前五日
水榭群賦南飛詩是年司農來白下將此雙鶴留僧舍
雌者聞梵絕香臺雄者悲鳴徹清夜一日司農立蒼苔
仰看孤鶴盤空來舉頭奮翼如有訴胡然亦蹶花間步
前身莫是丁令威一朝尸解辭鷗鷺司農惜鶴如美人
忍令仙骨委荒塵吳門白門共江水埋骨千年芳草裡
聞說焦山一點青逋翁曾有瘞鶴銘我上焦山尋鶴塚
鶴銘沉江江水湧見君鶴塚峙蒼坡聽我清歌謂我何

重九無菊作催菊花詩寄廣陵袁山人

去年重九邗江曲今年重九桐山麓
滿天風雨閉柴門獸取陶詩數回讀
陶公采菊東籬下南山當戶不須借
我逢此日無心情黃菊不粲東籬英
東籬未見舒黃菊南山空復排青玉
此時若有駱義烏冒雨難教快所欲
忽憶廣陵袁山人廣陵種菊三十春
殊名雅字未常有不知今日會開否
我家重九菊未開笑擲籬邊酒一盃
菊花菊花開幾朵莫令主人催復催
故園蓓蕾若發盡霜前還下邗江來

趙以贇雨中招賞芙蓉

秋雨沉沉晝不開秋闕誰復破蒼苔
故人獨將赫蹏至招我今朝出蕭寺
片雲雙履過園亭風吹木樨花滿地
故人謂我莫咨嗟邀君非賞木樨花
請看木蓮千朵泣新雨曷似海棠三
秋映落霞此是靈運五言詩又是文
君新寡面怪來不共遠山妍憐渠不
向初日綉娉娉婷風雨中新詩原因
舊雨變三千粉黛感蛾眉十二金釵
悲婉變更將才子比名花卽賞名花
才子家才子之筆無不可如君筆下
花千朵芙蓉館裡再來身芙蓉窻下
讀書人常歎孟昶徒多事錦城百里
招人忌我欲秋園數相從安能涉江
采芙蓉

程立庵宮詹予假南還喜賦

去年前走長安道頻過西園藉芳草
幾番痛飲梨花春

前則屬雅集卷一五
不覺花前常潦倒解衣瞪目視青天公曰狂奴故態好
酒醒復與公論詩畢竟推敲如賈島公念浪子且無兒
謂予何不置如嫂偶然欲贈名家姝乃翁司馬前朝老
我時聞此輒攢眉倩女敢煩薦蘋藻公更爲女選才郎
余亦挂席趨吳閭兼金細絡光蔽篋重以便面書瑤章
顏筋柳骨無同異含任吐沈誰低昂三吳名士多頻首
焚香盥讀聲琳琅余遊三吳歷歲月曾有尺素通漁陽
漁陽也有赫蹏至天子命公爲學使花輓彩仗木天人
泰山北斗金臺字夾囊赤箭與青芝行憶春嵐與秋翠
八郡同時稱楷模 天子曰嘻乃爲多士鳴得意公曰
嗟余拜手稽首告有成惟此小心敢有二上不負 君

思下不孤親志吾親平日教吾忠屈今窀穸還無地酒
淚陳情 聖人前得請疾上潞河船圖書以外何所有
童妾相對皆蕭然公方彈琴且臨帖閒看鷗鷺翔沙邊
蒲颿徐渡黃河水葛衣新惹白門烟桂花欲放猶未放
高軒傳說歸桐川錦衣故鄉人嘖嘖余時秋穫還龍眠
鴈盡相過一把手感公念公公知否惟公博讀古人書
古人誰者敦舊友昌黎常念孟郊貧方叔不離子瞻口
公應不棄李山人桐山酒似長安酒一醉能掃詩千首

秋郊鬼

秋郊鬼知何似有時嗚咽月方沉何事悲啼風未止骨
顛長鬚奴魂驚赤脚婢奴告男婢告女居士掩口竊胡

前明風雅集卷一五
盧謂是蒼頭老媪之誑語一日居士增惆悵秋宵獨臥
梅花帳夢回午夜不成眠側聞鬼哭秋郊上披衣起坐
靜聽之細如絲縷聲迷離自非壯士刀傷後恰類溪閨
腸斷時一回訴一回啼纔依堦徑芙蓉外又隔寒塘楓
樹西秋郊鬼知何似莫似馬嵬山下路更似曹娥江上
水芳姿未損香閣中遊魂先哭秋郊裡若使子瞻今再
來不厭閒人常說鬼長鬚奴赤脚婢吾過矣吾過矣

雙黃鳥

雙黃鳥雙黃鳥羽毛雖豐質則小三春睨睨縹陰中入
夏嬌啼猶未了有時飛踏垂楊枝又學吹笙修竹杪綠
窻女兒愛聲音當窻百轉還嫌少我亦夙具閨中情耽
爾閨中人窈窕隔院風吹笑語香恰如樹裡雙黃鳥雙
黃鳥常列園林啼幾回莫別主人去渺渺

讀楊嘉樹寄園詩

我生歷盡關山路念年難得鄉園聚耳中但聞嘉樹名
眼中竟未識嘉樹一日手把寄園詩雨中細讀開雙眉
有似江峰湧秋翠又似嶺南擎荔枝陳言去已盡老氣
橫無邊風雅一席誰後先漢魏三唐相纏綿我聞嘉樹
年甚少此詩便爾臻高妙過此以往當何如應使觀者
多愧戚施與籬條

台州太守行

天台名與雁宕齊峰巒萬丈難攀躋台州太守愛山水

騎馬常聽山黃鸝前年山中多虎豹白晝攫人無老少
有時直入台州城更向太守堂上行太守桂冠蹈東海
擊汰揚舲聲欸乃蒼茫遙指三神山雲濤烟浪知何在
讀史竊歎袁本初爲戀小兒失良圖太守亦爲小兒誤
遂使阿弟辭江湖太守今年年六十攬揆應望江南泣
才人薄命是聰明使我思君徒於邑憶昔君宦長安時
我數過君把君卮酒酣耳熱同作詩詩成君學王逸少
寫字東臨洗墨池不知今在滄溟曲作詩寫字曾否得
醺醪昨夜夢君冒雨來分明猶似在燕臺恢諧謔浪不
如舊意色慘黯聲多哀醒來不見太守面惟見殘月照
溪院不知生死今何如鴻雁雖多難致書願通來世雙

鯉魚

吹箏行贈嘉禾李仲玉

居士多愁復多疾登山臨水情瑟瑟半歲以來轉增劇
惟聽吹簫便如釋虎丘月下一人吹西泠數曲花間兒
便似仙人王子晉乘鸞遠下步虛時近歸太史園亭裡
不復吳山與越水向時疾疹愁且生還賴李子簫聲美
君不見劉琨清嘯解胡圍朝雲吹篴羌人歸吾有陰愁
痼疾不啻羌胡爲外患賴君吹簫一釋之千人石上斷
橋西何如李子當風一弄欺黃鸝

賣書篇用龔半千韻

蘇州買書楚州賣展轉欲留不能留爲客羞同朱萬拜

簡詩獨存趙倚樓此時有淚揮不得垂老尚寄子雲宅
只爲讀書甘守雌知雄何常不知白

劉繞梁傲吾家太白楊叛兒樂府體卽用原韻呈

徐太史

時太史作繞梁歌

公歌劉繞梁我喫滄州酒園中秋已淡園外風吹柳柳
老不棲鴉我尚滯公家爲耽繞梁歌喉妙一聲真正徹
口雲霞

百憂集行用杜少陵韻

兒時懵懂稱癡孩人說火頭僧再來五歲入塾受章句
歛然朗詠瓶中梅不覺流光至五十落花依草難收拾
廣陵歸後更無家寓人廡下百憂集研田歲稔一朝空

還與庾嶺遭兵同一女粼粼累老景洒淚時復懷江東

画馬歌贈白門俞衆木

君不見唐人画馬推曹霸弟子韓幹亦其亞杜陵獨喜
曹將軍韓生遭鄙折聲價又不見宋人画馬李伯時趙
氏孟頫私淑之公麟筆墨人爭重子昂降元世所嗤自
茲以後画馬者四百年來無人也今年泝水晤俞君手
持一幅贈士雅展看却是八駿圖神采生動骨相殊風
鬃霧鬣纖悉備形面各出無饜餽一浴青驄桃花澗一
調赤驥榆錢畔兩者馳驟綠楊堤公子仰睇射飛雁其
餘四者更神奇一是支公倚杖時一是寧王看玉面滾
塵塵不飛毫釐再看兩者相蹄齧似有長嘶聲不絕如

此點染稱神明何人此圖置優劣我欲列之唐人宋人中曹將軍李伯時與君異代稱宗工

画翎毛花卉歌贈江都呂未仙

邊鸞之鳥趙昌花古稱神妙無以加更有徐熙黃子久此道亦稱兩作家又聞艾宣與崔白翎毛花卉空今昔荆公尤愛建陽僧鷺鷥荷葉真奇跡我耽此道殊纏綿聞而不見心未然昨見孝穆堂上一幅絹寫生布筆堪流連細看汀花兼埜竹水鳥潭魚相追逐孤標雅致饒風規不愧唐宋諸公稱老宿我閱此画近兩年重揖此人藥欄前登堂盡發此人竒丹青滿眼俱堪傳噫嘻此是江都呂未仙

中秋前一日憶虎丘寄嚴生菴計部

虎丘平日遊人盛獨有炎歊泉石淨彈指時節屆中秋前此十朝絲竹競到得此日遊人叢画舫香車充復充更有走者携酒榼同至山門行山中駢肩雜遝男女溷趾前踵後爭尺寸男則水綃霧縠雲烟飄女則衫服明粧蘭麝噴行過憨泉無留戀但看劍石當中分從此便上千人石茶香酒氣相氤氳生公講堂秋樹杪剡池清絕深窈窕第三泉是昔賢題此處遊踪都繚繞珠宮紺宇穹窿高浮屠百尺截羽毛短簿祠前真娘墓何曾隙地無風騷看看日落千山紫遊人半返閭門裡白公堤上影如颿半塘寺後船如燈獨有風流老白相平聲不相

虎丘秋夜長少焉圓月東方出各逞妙技登壇場壇場
便是千人石千人選坐鋪華席或吹子晉一枝簫或弄
柷伊一枝笛或彈段師好琵琶或奏蔡琰悲胡笳或椎
羯鼓聲聲急或打十鬮驚栖鴉何人更唱明妃怨羈絆
聞之淚如霰夜闌風逗桂花香一時絃管聞無見離離
石上影飄飄賸得幾人排風腰中有永新歌一曲聲如
縷髮通雲霄歌罷此人亦無跡虎丘山頭甚蕭索咄嗟
海水湧朱輪不覺東方之既白噫嘻吁此時起視山中
與四旁昨日鼎沸今淒涼但有遺珠與墜翠饒僧逐路
尋餘香我昔聞公會說虎丘中秋聞不得男女俱當
智伯頭此是山靈之一厄若然又有何餘香山僧逐臭

爲尋芳塾夫中秋前一日造計當有此披猖公在山陰

道上走見此還憶前言否

嚴公山陰人

無家歎

嶺海歸後妻兒凶南走金陵北漁陽又出居庸至上谷
間關歷盡還維揚故人爲我鸞膠續雖非如花並如玉
綠窻烹芥與焚沉也自臨墓能免俗藥爐風雨病無時
溪閨夢斷藍田兒纔向竹西休馬足又從桃葉哭蛾眉
五年前遇江葦渡挈我西還龍眠路無端業因相牽纏
鑄成錯字墮雲霧莫言崔顥工題詩當年更有王獻之
兩人千古稱薄倖我有心跡難明時一女笑笑鮮衣食
欲去邗江去不得但返桐山又無家徒望青天淚如織

潘蜀藻寄余徐克草一本快讀竟日遙有此寄

前年潘子遊彭城我作二詩送君行繼此鯉魚書斷絕
不知潘子之行旌客冬偶然歸故里潘子亦未離桐水
雖然貽得兩種詩究竟無從面潘子匆匆更有吳越遊
臘月渡江風颼颼虎丘梅花西湖柳安得潘子同蘭舟
今年萍踪返英蓼終日床頭伴參朮相思欲寄一行書
心慌手顫難伸縮所以筆墨廢多時夢裡才人常見之
昨日捎來徐克草手繙眼看無停披不能道君何處好
但覺天空雲淨水落石出風浩浩又似鼓櫂東過錢塘
江騎驢直走山陰道吾人不到石經齋把盞大呼潘蜀
藻

蝦蟆行

北窻芳草青離離中有蛙聲當鼓吹老蛙似學村學究
昏且聒噪教群兒側聞那辨小與大一者倡而眾者和
為官為私本無心畢竟只了常功課記得昌黎韓退之
曾寄柳州蝦蟆詩至今讀之風味勝比興似為河東悲
西蜀眉州有蘇軾音釋望見峽口蝦蟆石操觚染翰得一
章卻與韓公異風格蝦蟆蝦蟆爾何知見月懷土將焉
為人生有土歸不得鼓爾怒氣徒成癡

榆竹行 有序

去皋城北十里有榆一株圍不盈尺膚裡骨外
生竹數枝節朗心虛青翠可愛此異觀也憶遑

龍山屋新集卷一
歲客嶺南行山崗中見樹竹一種蓋老樹枯死
空其中心竹從中生枝葉蔚然不知其根抵何
在若土人伐樹爲薪竹隨稿似乎樹爲母而竹
爲子者理不可解嶺志竹種甚繁此亦其一未
見活榆抽筠如今此一種此理之愈不可解者
也作榆竹行

蒼天至高地至厚奇奇怪無不有卽如竹樹本分形
何從合體同蓮藕皋城之北十里遙有榆一株身苗條
膚裡骨外忽生竹節朗心虛枝蕭蕭嘗見蔦蘿附松柏
畢竟纏綿分主客似此榆竹同體生見者回惑真難釋
君不見漢朝公主嫁烏孫生得賢王感漢恩又不見阮
咸騎驢追胡婢生得佳兒無與比古今世界黃河渾白
雲蒼狗何足論羊牢犬子尋常事休哂榆竹生非倫

銀杏花開行

銀杏花開人未見此語不分貴與賤開花必待夜半時
偶然如燈復如電今年我作武林遊天竺寺裡銀杏稠
花開細白香滿樹一時見者皆同儔短洪髯徐與小周
交口嘖嘖歎勿休寄語龍眠諸同社世間罕事半真假
銀杏花開真復真老夫題詩在蘭若

東洞庭老人歌

洞庭老人雙鬢修六百甲子今一周老人生計惟種橘
橘中之樂何油油太湖三萬六千頃洞庭酷似蓬萊景

山中老人觴老人又似群仙會
緱嶺老人百歲不足奇
奇亦不在居山時
奇在視聽不少變
桃花面似閨中兒

袁浦僧舍快讀姚經三薙簾集遙有此寄兼東錢

飲光

姚子才名滿天下
出其餘緒爲風雅
我曾一讀筆頭詩
驚歎此日無倫者
飲水卽知滄海寬
煮雪輒思峩眉寒
安得身居山海裡
掃彼峩雪觀
澗瀾武林別
後至袁浦僧房
偶見詩一部
展看却是姚子詩
竟日讀之未出戶
不覺身在滄海中
紫瀾萬里乘迴風
大貝明珠澗底出
脫網珊瑚炤水紅
不覺身在峩眉巔
白銀萬丈隱蒼烟
瑤花瑤草山中見
遶座芙蓉帶雨鮮
噫嘻姚子之詩乃
如此陟峩眉者難爲山
涉滄海者難爲水
前日我遊虎丘時
見尹箋註李賀詩
此手此眼已出升菴上
况復所著皆精奇
西頑道人今錢起
逢人口口說姚子
曾記道人有一評
絕妙好辭不虛矣

夢中得楊子閉門作何事之句醒呼童子然燭研

墨續之遂成長篇

楊子閉門作何事
擁書卷耽奇字
戶外履滿無平流
載酒相過半車騎
前身定是楊子雲
只少劇秦美新文
太玄注就焚雄墓
笑問可測玄三分
依稀似覺雄前席
君注吾玄可儼易
曩者白鳳集吾肩
君今感鳳留靈蹟
吾之弟子有侯芭
手把吾書當五車
聞君授經桐山下

應有侯生肩相老吾愧桓譚是知己爲莽校書天祿裡
一朝劉尋罹莽誅吾投閣下瀕於死可知君是黃門郎
受生巴蜀今桐鄉當時少壯聲赫奕於今老大身踉蹌
楊子聞言心如醉不餐不飲亦不睡恍兮惚兮疑信間
但逢校士君出試聞說君當壬子年正月下浣踐烏縣
海鹽樹鵠君操矢射堂伐鼓聲闐闐君皆三箭已穿札
鼓聲不響無人察白猿知哭養由基青蛉掩口無堪殺
楊子倏然但下帷畫圖手展王明妃爾無金賂毛延壽
玉顏那得親宸輝不是干時果無術齊王好竽君鼓瑟
卽使吹竽豈動王何如高談自捫蝨所以楊子落落身
願學王猛西入秦詎知四海皆景略楊子不得伴張賓

楊子骨強終不已日剪明霞翫秋水有司不辨石鼓文
有司不愛張顛昏更兼退盡懷素魂古釵脚與屋漏痕
驚虵入草看之字世眼無端問法門君非蠶蛆百無足
草青還踏龍眠曲下生有足只一雙楊子何堪頻泣玉
李生曰嘻是亦不可以已乎楊子裂眦而張鬚夢裡牢
騷顧我吁吾不獨注玄可憐易唐師韓柳宋歐蘇漢書
枕藉史記伊吾左傳熟杜元凱之評註楚詞駁七十二
家之僕栩栩蝶則醉心莊周一輩青牛則願與老氏爲
徒劉安植桂列子御風吾居其間泠泠融融所太息者
近來風雅委之蒿蓬吾剪裁夫小言之詹詹出入開元
大曆何有乎玉臺與香奩進而黃初建安又何有乎鮑

炤與江淹楊子顧我說如此醒來呼燈置棊几細思楊
子八股頭古文詩歌相表裡兄事與謙定何如弟畜順
甫疇堪比楊子持此不逢時隨行逐隊蒼頭兒何曾盧
前與王後終朝老女皺黛眉楊子聞此心如刺自傷老
大何所爲著得江州司馬衫白者涕泗紅者淚伯道無
兒枉自呼中郎有女還堪與我亦轆軻同楊子有女無
兒莫胡盧自從別却蒼梧水燕市驅車又吳市廣陵春
色秣陵秋買得青鸞今歲死聞君亦有斷絃悲紫瓊綠
綺和者誰子瞻寂寞羅浮境朝雲墳上空纍纍楊子楊
子漫流鴻君信是兄我是弟江南江北久別離一船風
雨摧蘭蕙我欲難染到匡廬矢願不上宰相書大元若
重天人策楊子前無董仲舒莫嫌老醜秋霜鬢曉月衝
霜霜來認皚皚雪白滿頤鬚喜炤水壺常問訊君不見
會稽太守朱買臣五十始佩黃金印馬援據鞍思滅蠻
廉頗遺矢還驕蘭古來英雄豪傑不長貧屢屢烹雌始
入秦亞父七十事項籍玉斗擊碎雙眸瞋又不見呂尚
八十磻溪遇八十有二梁太素中得狀頭馬上歸異時
安知不是楊古度

徐太史莘叟先生五十

藕花秋老涵秋烟先生覽揆上聲中元前彈指流光五十
年雙瞳閱世幾變遷九歲筆墨超時賢徐陵名字海內
傳十四輒已擁青氈奇文見賞蔡臨川吾徒競許爲執

鞭雞壇名士相周旋自從 聖人帝幽燕親掄才子居
木天玉堂金馬稱神仙石渠虎觀工鑽研甲午楚士多
因緣三湘七澤歸陶甄杜蘅蘭芷芬江邊悉入筐篚增
香妍桃花源裡花尤鮮一枝早占春風先謂石浪秋驛
石武陵人
騶已遇九方歎季鷹合返松江船年來綠野張花筵吹
簫擊筑與彈絃吳歌楚舞日纏綿神龍有尾急須卷五
湖青城然復然願熟莊生南華篇潛心更味老氏玄長
茲甲子無窮焉定知手拍洪厓肩回首羅浮十丈蓮萊
公那得較偏全我學魏野呈詩箋寇萊公以七月十四
日生處士魏野獻詩
有何時生上相明
日是中元之句
熊雪厓憲使枉駕昭慶寺賦此呈謝

越中隨地佳山水合置各人山水裡武林山水佳復佳
天生尤物難比儼唐宋諸公多宦遊希文乖厓與鄴侯
香山到處輒題詠子瞻携妓老風流先生此日續芳躅
聽鶴彈琴庭草綠公餘應出湧金門画船徧覽湖山曲
湖山曲處好題詩定有千篇絕妙詞我來未投先生刺
反勞先生顧蕭寺含吐之門皆奇字

寄鄒祖尼寧州

祖尼即魯齋

解水朝飛崑崙走仰睇白雲變蒼狗我去江南過嶺南
梅華落盡看楊柳爾時鄒郎年正芳與我同涉水雲鄉
飄檣甫謝旋騎馬蠻烟瘴雨侵衣裳記得乙酉五月之
初四榴花紅遶觀山寺父老群迎油壁車高涼司馬方

公至午日方公蒞郡衙我亦挈婦來天涯慙愧後房無
女樂幸有生徒擁絳紗鄒郎鄒郎起人歎手中彩筆花

零亂有心高密鄭康成欲學范陽盧子幹萬里天南思
建康我歌子和神飛揚彈指高涼別去後五羊飽噉荔

枝香自從三關失鎖鑰三關杉關口關仙福京不守空

城郭乙酉秋蘇觀生何吾嚶張肯堂吳春枝錢邦芭等

龍北清兵至唐王死貝勒械鄭之廣州臘月千門灰丙

十月蘇觀生何吾嚶袁彭年顧元鏡等擁小唐王廣州

稱帝改元肇武以尉佗府為宮殿臘月清兵至小唐

王死觀生亦死之宮殿俱焚元鏡又見崧臺焚殿閣丙

賈圖籍投誠廣人號元鏡曰影慙

秋福州破桂藩永明王時在端州丁魁楚瞿式耜呂大

器龍起引劉湘客周鼎朱盛濃劉廣胤林佳鼎童天閣

等擁桂藩端州稱帝改元永曆以包孝肅府為宮殿

清兵至永曆帝焚行在所西幸亦丙戌臘月事計廣州

端州相距無三百里兩帝爭雄昭江三百六十灘四面

交兵三水不百日而清兵至

簪峰削二寒孤舟一水湖一水鄒郎早暮同眠餐鷓鴣

啼在黃茅裏桄榔樹蔭青山趾此時客子心竊悲鄒郎

亦閉談天齒茶城買權下西寧望裏雲樵青復青白雲西樵

二山與子重來觀海若高樓聽唱牡丹亭春風歸路經

梅嶺戊子鄒郎前後逐花影無端從逆莽將軍大劫緝

奩小笊箸金王作逆南安鎮將徐妙山叛從之揚不同
皖口綠林豪獸愛詩篇恕我曹我非當年李博士橫溪
空去羞號咷芙蓉江上還傳詔南安江曰魚江何人私
向青銅照宦情至老不肯休紗帽籠頭始一笑所苦鄒
郎父子貧分金者我難餘身乃翁歛背鄒郎去鄒郎顧

影徒酸辛一旦 王師飛鐵馬鏖鏖集魚城下南安城曰

魚城鄒郎奉母走南雄依舊僑居粵東野我携妻兒栖聶

都雁鴻不到溪山隅箐林有鬼狐狸嘯草鞵獨犯炎荒

區屢過扶溪愁別離瀕行尚挽鄒郎臂我欲還來看佛

桑晚飯檐前摘茉莉雙江見說已澄清章貢二江曰雙江我先

去聲鄒郎挂席行庚寅春如何一月春帆水喪明炊日兩傷

情兒亾於章貢婦死於漳湖一月間事過得一年春又夏傳道鄒郎還白

下急鼓輕舸訪鄒郎盃酒蕭齋戀清夜鄒郎為述過嶺

時萱花彫謝師所知有妹有妹遙天嫁重亾小婢埋南

陲述罷鄒郎淚如雨座旁小弟更悲苦祖尼弟爾時方八九歲今字嶧

山我亦流涕想妻兒翼日相看別江滸花山晤後鯉魚

稀叉手懷人靜掩扉幾年前把西江字精鏤少救山中

饑西江只有分寧僻萬山溪處留芳跡濂溪書院鎖松

筠涪翁筆法鐫金石周敦頤曾官分寧黃庭堅分寧人工書法今墨刻甚多我曾

冬日干徐陵丁未冬水衙永夜挑銀燈又向來蘇渡頭看

寒月其地有來蘇渡相傳蘇子瞻訪山谷屢過此故名醉還古廟呼顛僧鄒郎

鄒郎托毛穎如水錢刀汲澗井可念當時一老人流離

患難同悽冷前年所得足纏頭幸未長途典敝裘客冬

不報東臯訊空望烟江江水流

四松詩為方還山賦

昔年我見長安道報國寺裡四松好此松植自 孝宗

朝溜雨經霜圍十抱後來我復遊江南靈谷松聲不忍

談欲聽松聲覓何處烏龍潭畔四松庵四松名字最高
雅不必千株遶大厦少陵曾有四松詩四松亦自傳名
者我友直追少陵踪以詩名世世不容園居幸有松千
尺蒼然四株如虬龍如虬龍復如蓋老鶴飛來聲嘈嘈
流雲籠罩紛藹藹我友最愛四松佳誅茅結屋營心懷
屋成恰在松陰下自題名曰四松齋我聞坡公少子爲
蘇過是處與坡同起臥所幸我友如坡公宦途林下亦
有少子追隨相唱和我友我友聞松聲山中宰相今陶
公四松名字配五柳今人不在古人後我友如陶復如
陶如陶戶恨對松不飲酒芥茶竟日不離口應亦澆此
支離叟

初秋送張夢敦太史還朝同潘木厓方還山姚彥

叩周信臣

遠峰亭前芳草綠萬竹檀欒憂蒼玉紫薇花傍竹邊開
開到秋來猶未足六郎本是紫薇郎前年花發歸故鄉
今年花殘送君別高林遠近啼寒蠶画船簫鼓江風駛
圖書尚染吳山翠時夢敦自武林歸行過黃河望帝京雲裡
嵯峨宮闕異計程八日到漁陽滿城叢桂吹天香玉堂
學士桂邊坐把盃詠桂聲琳琅是時瀛海仙人輩誰是
房公杜如晦張緒風流冠六朝再來身入詞場內詞場
旗鼓孰相當羨君本自天人行若言吐鳳立何貴便是
生花夢亦常我把君詩不去手我讀君詩不去口至今

前山集卷十五
浣手用薔薇至今極口推韓柳君書古人何所如蘇黃
米蔡皆籋條我家北海亦胥吏元常逸少供軒渠此去
朝廷多制作高文典冊憑揮霍莫將手筆推許公燕
公歸然領臺閣側聞當年崔定州三十作相傳千秋以
君異時居政地休羨中書此黑頭老夫白頭衲子相方
干潘岳同疎放更招姚鵠與周郎君家難兄共酬唱我
欲送君上花舫看君乘風破秋浪此意屢舉復超超歸
臥東臯舊草廬班荆夙好不相棄願寄長安雙鯉魚

寄方爾止

記吾在茂晤君在揚州君時適丁太夫人之憂渾身縲
經草履面淡墨促膝橋梓廣文先生之齋頭頃間君乃
登舟去幾年離別不相遇傳君驅馬走幽州又傳君客
淮徐路忽又傳君在武林更傳君買鄱陽渡屈指三五
七年間君遂歷遍湖海與關山我亦勸遊一歸里爲吾
門生老友相羈攀寒暄四易在桑梓今年浪跡居潁水
把君續集龔山詩無刻不懷方爾止客冬我同太史遊
三吳春明更復買權遊西門榴花開時返英蓼七月短
洪策蹇來祝太史之縣弧爲言君客金斗城座上惓惓
念李生再三詢吾廣陵歸可曾雙劍合延平我時聞之
潛潛泣不覺青衫兩袖溼答言有女失所天藉吾衣食
吾不能遠輒到夫二十四橋邊杪秋料理孤孀畢便向
雷塘飛去疾爾時扁舟過白門先訪寶儉居士 次訪

明農哺雛軒

寶儉方纈山堂名也

画美人歌贈天都汪肖野

美人自有真描摹始何代施朱傅紛不爲工鏤金刻玉
亦堪廢畢竟落筆當如何好手自然逞風裁描眉點眼
衣褶間處處寫他閨閣態若論渦頰更不同雷同便與
古人背唐之周昉及張萱五代漢臣文矩輩染翰輒爾
風神佳真得此道中三昧不圖此日遇天都寫真入古
堂與內貽我一幅綠雲鬢疑是耶溪女兒在又寫芳園
百美图徐陵極口稱無對何以君画空江東寫景寫神
非逐隊老供大內寫宮妝能事畢矣應食采只莫點污
王明妃遣去空教漢帝悔

贈曾亦傳移居

昔時淵方六恨竒其一子固不能詩今逢閩海小曾子

其先閩之長汀人

文章風雅乃兼之尊公與我交最好僑札之

歡少逮老嘗同策蹇遊龍眠公說不讓山陰道此時詩
思驢背生若翁業具有詩情若郎工詩洵有種風風雅
雅馳詩名愛山惜無錢可買那得于頓人瀟灑不恡青
錢數百千囊橐一時爲君解市城亦自有山林遙望西
北峰千尋推窻只似案頭物手招雲氣穿天心 聖朝
自容大市隱矧此不與大市近僻徑却無車馬喧開口

吟詩詩思敏吾友潘岳與潘尼

謂畏築木厓二公

與子比鄰不

差池彈指春風萬花發相看斗酒聽黃鸝

乞米行

有序

顏魯公居長安炊烟不繼書帖乞米陶元亮彭澤歸後村中乞食史傳侈爲佳話雖然亦顧其人耳匪是則卑田兒矣埜夫居東臬滿目稻畦而埜夫無擔秫暮年孤處向晚輒欲持盃雖所飲不多乃溫飽之從竟不肯割升斗芻酒一盞每當好花新月淒風苦雨獨坐無儔思我亾室亾兒愴然而已用告同心肯分秫廩萬一在埜夫卽不能敢望魯公元亮在同心頗不失爲韻人嘉惠也然否憑意曷敢強諸

埜夫少年能飲酒一飲輒欲傾五斗二十年來飲不多向晚亦持盃在手無端寄廡東門東主人難遇臬伯通眼看秫稻黃金色那得面上春桃紅因憶魯公會乞米八法書動長安卽埜夫有腕不能書何從乞米釀芳醴柴桑高士陶泉明乞食常向村中行遠公沽酒東林寺此事說來令人驚埜夫乞米不乞食卽不能書少遮飾吾儕自有叔牙儔吾徒自羨康成力米非秔米秫爲先素瓷緣仗同心賢醅醕自呼李秃老大飄和尚兼醉顛後乞米行

余旣作乞米行非乞米也醉翁之意不在酒將以徵人情之寒暄也投什後應者前輩則吳遜叟鄧樸庵方還山盛雪舟諸先生同社則許綏

人方舒來左子直潘蜀藻左子厚張如三左子
周方幼安劉超宗鄧田公諸兄本宗則當衡門
士則張星槎方侯士朱元亮方庭堅鄒祖尼戴
韓五觀神升左用一徐古存九人而已立春後
程立庵先生兼金代秣並此申謝

楚夫年來殊短氣田家酒熟不知味客冬艸得乞米詩
見人開口縮如蝟楊憑不恃柳河東翻笑梁鴻倚伯通
楚夫亦自無強骨寄廡何須淚眼紅去向城中告知厚
讀蝟縮有時還開口任俠憐吾鄙吝嗤半資秣稻半搖
首老杜窮途仗友生友生二字何以名生者門生友朋
友此語那堪槩世情索食當向謝仁祖空腸莫謾干錢

鹵所以當時王修齡不受吳奴米半料吾儕豈少謝將

軍吾徒盡將軍群孰是安豐與靈智胡盧左思父子

兼情文

此意原始左子周橋梓

太常憐我乏春釀歲除折米金相

餉同儔交口讚太常今人詎出古人上楚夫年來號芥
須芥與介角音無殊此處貪取胡爲乎醉翁之意不在
酒靜觀世態良非迂

晚望天柱

晚天涼雨後一髻出雲中不與浮屠別將無佛指同蔚
藍分乳翠翠律礙秋鴻漸漸林烟合支頤念遠公

削髮詩

爲誅雙白髮黑髮頓然空玉石何曾別妍媸未許同片

時稱俊友幾日又瞢翁欲削絲絲瓣投閒蕭寺中

梅檀林聽休上人講叅同契

一部叅同契三年看未通自從來白下不覺入玄中妙
旨諸家晦高談釋子工伯陽如可作應欲拜休公

枕上

枕上不成寐蕭騷百感叢取嗔敲瓦雨還恨透窻風老
鶴應栖竹新蟬定隱桐揚州幾特別計日雪霜中

小舸

南風翻北雨齷齪小舸中人氣繁增燠炊烟黯不通問
愁真似海屈背盡如弓歛歛江光夜漁燈一點紅

虫聲

四壁響西風孤燈闇不紅候虫凄切處江客寂寥中物
性知寒何詩思得爾工適聞籬畔鬧倏歛又墻東

春暮貴池寄鄒祖尼門人鄂城

三十年前事回頭一夢中君今爲上客我竟作衰翁秋
浦無端過春風不與同楚天空極目歸去石榴紅

和姚丹楓自壽六十詩

自來門祚盛無復退之窮抗手比干策尋源給諫翁菁
蔥千樹裡爛熳百花中景泰登科者孫枝迥不同

方奕于四松園

何處談心好詞場有四松到門幽侶集出郭老僧逢醉
愛陶元亮狂憐阮嗣宗指頭書法美片片小芙蓉

劉超宗淡莊

何處談心好淡莊在大龍杏花十五里鳥路一千重
畫意俱真素詩情比淡濃長卿吾愛爾安得竟相從

再遊虎丘

名山題不厭特補昨來遺短簿祠前句真娘墓上詩
愛僧休靜室聽鳥轉高枝杳杳遊踪倦擡頭日出時

放鶴亭拜林處士墓

孤山林處士墓傍四賢祠綠草封詩骨青苔掩石碑
梅花還幾樹鶴步不相隨放鶴亭前好遊人一揖時

所引貽我菊花一本九日對此輒傷小碧兼憶敬

鸞

九日閒園裏持杯獨酌時酒非仙令送花是麗人貽
對菊難爲說捫心只自悲廣陵千里路幽夢各相期

詠柳贈張夢敦

龍眠春半柳青到十分時依約橫山麓飄颺覆水滑
自然招燕子不止賽江籬笑問張思曼風流似者誰

花朝雨東還山顛厓

不堪村裡住苦雨妬花朝繞屋青烟胸窺窻赤電驕
竟摧東郭路應損北門橋一睡鼯鼯足無端噪老鴉

王价人以秋海棠見惠

此種嬌燒甚曾從鹿苑移頗妨墻脚日親置案頭時
緝綠翻難恃嫣紅佩所貽瓦盆三兩本生我一秋詩

豹人衲衣成

四海武靈服君看淚欲揮
歎尋高士傳特製老僧衣
穩著行樵徑閒披上釣磯
山川不變色莫笑水田非

柳花飛仝然四念修作

春盡柳花飛穿簾透紙帷
硯池還點點陌上故霏霏
似雪慵沾袖因風喜蛭衣
飄零同爾我畢竟是耶非

讀夢敦自書諸體近詩

靈運工書法詩成必自書
近看張籍手似把謝公祛
蚪蚪春塘曲芙蓉秋水餘
不知先後輩二寶得誰如

留草

綠遍園林草園丁忽剗除
蛙携兒徙宅蚊結伴移居
幕

客歡無比山人悵有餘
獨留青一片照讀北窻書

花朝雨東還山顛厓

二子高吟處花朝是妙題
因風招紫燕爲雨憶黃鸝
著屐誰行路扶筇獨畏泥
郵筒閉詩草自北復過西

蓼城訪徐太史得眼見幽居好卽用爲題

眼見幽居好臯城西復西
青山皆画境綠樹是詩題
不信花源杳真同栗里栖
金陵有詞客早晚共攀躋

野人家見梁上燕子

画堂不見爾茅舍復雙栖
湖海吾能辨雄雌望轉迷
銜花頻出屋拂柳未沾泥
笑訂芳園約來須掠水西

吳于庭遣齋

前明風雅集卷十五
何處談心好幽居愛遣齋隣岫幾片石蒼蘚一層階史
論開人眼詩題共我儕玉堂虛左待竟老北山厓

徐羽仙煮字齋

何處談心好傳聞煮字齋烹煎二酉籍增減六時柴書
法久推妙詩情老亦佳司空圖復起壽藏已安排

吳無齋函雲洞

何處談心好函雲洞裡佳古今兩工部山水一無齋舌
上文瀾瀉胸中武庫排年來野夫病難得與公偕

小坐時齋豹人出無道人画幅查伊璜內繡觀歎
公之遂有是作

佳人與才子雙幅爲予開画筆王摩詰神針薛夜來絕
無指爪跡惟見雪霜堆珍重名家製風流未易裁

徐六史園連日雨客懷悶絕

畢竟天難霽東風是雨媒看人移綠篠顧我惜朱梅礎
潤今猶昨鳩啼去復來客懷真悶絕無計強登臺

徐羽仙至

顛厓捐館後我獨送君回潭指三年別驚心二月來翠
峯桐子柳香帶練潭梅篋裡新詩句高吟對綠苔

寄張如三吳門

玄墓真竒奧方春次第梅冰花十里合晴日萬峰來憶
爾携遊具何人共酒盃我曾同孝穆夕照坐香臺
張夢敦書來昭濟孀女悲喜交集爰寄此詩

音韻通雅卷十五
屢墮亾兒淚兼愁孀女貧爲依賢太史思殺老山人骨
月煩君顧肝腸至此真捧書當落日悲喜至頻頻

偶然題画卽贈方竹西

遲速何須論能工便出群片時吳道子一月李將軍山
水詩篇合風騷画史分請看吾老友妙管狎烟雲

南郊看杏花懷田公北園

客歲江天好扁舟到白門相逢桃葉渡卽問杏花卹此
日遊南郭懷君在北園如何霞片片不及共銜尊

秋筍

秋林吾均病病起一窺園欲見青蛇尾斜穿紫竹根霜
筠風後落雨籜夜來翻數寸千尋勢文同画意存

瓶菊

摘向秋瓶裡閒窻竟日看爲憐垂老色不信落英餐置
簾嘗防鼠貪渠覺勝蘭駸駸小雪近此意可凌寒

八公山

望裡八公山名傳晉漢間劉安得道去小謝奏功還落
日帆檣遶孤僧指顧閒近來何艸艸不復可躋攀

答馬一公

已自家淮海歸桐亦偶然業緣三世結薄倖一公傳未
必疏因數須知罵是憐至今想劉四吾淚更涓涓

霉雨

是物經霉氣難教更似前衣裳貂半脫書籍蠹全穿欲

前山風雅集卷十五
曝無暄晝將晴有伏天燒香揀黃熟祛濕想同然

家未盡髮嶺山居

幽居隨處好髮嶺卽龍眠人已藏山谷衣須著水田竹
冠新勝舊藤杖老彌堅復此雙棕履懷君竚聽泉

鑷鬚自嘲

懶去窺明鏡其如髭白何墨莊分去少葱嶺得來多欲
掃松邊雪翻傷稗裡禾小溪目力好鑷政不加苛

張齡若蟋蟀窩

何處談心好良朋蟋蟀窩悲秋有佳賦對景卽高歌画
是關荆楚書超米蔡多共人論古法閉眼入禪那

夏日卽居卽事

獨坐佳堂裡終朝觀物萃燕巢惟苦雀牛背不辭鴉遶
院君臣燕盈欄姊妹花更憐書帶草縹綠透窻紗

詠菊步徐太史韻

坐此東籬菊終朝只看花有如耽靜女還似玩明霞較
駱公爲逸方陶我更賒庭堅城裡好忘却舊山家

噉櫻桃孫秋我忽見坊草堂

金斗饒名士髯公名最彰詩才謝康樂書法米元章以
我頭增雪看君鬢未霜詠諧與調笑總是舊孫郎

四松自漢中解組歸里門

畢竟真才子爲官非所長左遷時輩幸三黜古人光歸
計詩千首逃禪水一方浮山山寺近須上遠公堂

削髻詩

三年不照鏡，照鏡輒悲涼。已點潘安雪，難消陸展霜。髮非心則短，白較黑差長。所賴僧刀利，公然號小郎。

錢飲光樂易堂

何處談心好，江干樂易堂。五松傳是宋，八桂說從唐。此物知音少，斯人衆口傷。野夫今共病，欲話水茫茫。

遠峰亭春望示夢敦

遠峰亭上坐，一望遠峰橫。老樹青無比，流雲白欲傾。沙明連野氣，湖渺接江聲。日夕隅園好，春來晴復晴。

初春懷夢敦隅園

一片城西地，爲園卽在城。花間烹畧氣，竹裡讀書聲。選石隨方列，編籬取次成。遠峰亭子上，春至聽黃鶯。

送羽先歸橫山草堂

北山居幾日，把臂輒思行。小飲慙貧弟，孤吟送老兄。草堂雙燕語，花圃一鶯聲。定有歸來句，拈鬚倚樹成。

烟水閣晤王子雲

閣在郭鞏之明府署內

九江烟水閣，相見話油油。斐几新詩刻，牙笏舊酒籌。偶然思白下，只是哭黃州。吳障山頭好，期予獻歲遊。

張如三勺園文昌閣落成步方還山韻

巍築群花杪，真堪竟日留。鶯聲林裡出，山色座中收。已跨張融舫，寧輸庾亮樓。六時皆可賞，不待月當頭。

雨後望梅山乞無可大師畫絹

一幅天然画吳儂半未諳水聲新瀉碧山色遠堆藍欲
借維摩手中添居士菴周妻與何肉稽首事優曇

悼亾詩

傷彭姬也十八首

去年春雨後挂席到江東柳值龍潭綠花看虎踞紅聞
君多窈窕見我實玲瓏削盡鉛華色蕭然林下風
海棠追憶好新月更溶溶紅燭燒金屋青衣夾玉容鬢
低初葢錦妝謝忽傳鐘慚愧湘簾外嬋娟十二重
宛轉歸香閣開奩搵淚時助妝雙翡翠暈頰片胭脂花
露傾還滴珍珠數較虧最難禁痛處三尺綠雲垂
何處金陵客鄉園不暫歸說來嗔虎冠權與臥牛衣樹
未經霜老花因著雨稀昨宵感秋意賦得雉朝飛

玄武湖邊柳青青二月初只宜招海燕何忍貫江魚思
曼當年似小蠻一捻如瘦腰今已矣削髮上佳廬

笠澤初歸後炊烟半有無饑來分雁膳困極賣龍鬚不
怨黃金盡翻憐白面孤背人常謂我絕勝霍家奴

婦有姊誤

嫁平頭

嘗歎白司馬江行夜不迷琵琶猶感妓琴瑟敢忘妻紫
海人初返青銅手自携韶儂消瘦面落拓舊京西
漳州蘭幾本是爾手重栽油勒朝指葉香湯晚沃菱自
從支枕後便未入園來零落歸黃土花時魂可回
架上牙籤廢書從友借頻愛君藏綺閣趁讀就花茵一
半知竒字些兒悟風因文心與詩骨髣髴廣陵人

三載江南路凶音次第聞悲淚王武子淚盡卓文君况
值蘭初折何堪玉已焚烏龍潭上月寂寞昭孤墳
不是尋朱葉何由滯白門水仙纔到几山鬼便窺園捲
幔聞芳氣提衣見淚痕茜紅衫子在高挂一招魂
久未薰沉水山房布被寒西風吹枕席秋雨滴闌干蟋
蟀愁中聽梧桐病裡看不知泉下客可念舊悲歡
是我閨中友針砭不暫閒換書金跳脫買硯玉連環饋
未經狎婢茶纔命小鬟送窮詩幾首薄似白香山
未註長生籍雙魔隔歲纏上池渾不驗中饋竟無緣易
刷江頭艾難開火宅蓮謝公墩後路望著卽潸然
未必休文似何當重細腰慰儂長命酒看爾學吹簫不

覺商聲明遂令蕙草彫雨花臺上望人去數峰遙
不能如許展染髮媚青娥但有思鄉夢徒淚入世魔賴
君攄欵曲慰我涉風波忽忽珊瑚碎羈離喚奈何
芳草吳門月歸來祇自傷難求不灰藥未得返魂香簾
外啼鸚鵡簫中泣鳳凰獨慚荀奉倩強活戀他鄉
不獨開奩後傷懷涕泗橫香爐徵手澤茗椀驗心情針
線看猶在鴛鴦繡未成更餘殘藥物老婢撥來傾

詠懷 五首

不是悲秋轉自悲此生疇與託心期幾盃綠螳陶元亮
一曲青琴袁孝尼蹠躑懶看千里馬風華翻愛六朝詩
許多篋裡梅花調吹向傍人總未知

青草湖如彭蠡湖湖邊芳氣是蘼蕪楚天未失延津劍
江岍會埋合浦珠昭水淒涼雙鬢改買山慙愧一錢無
寫成籜帽荷衣樣好與村翁入畫圖

吾欲問天天可疑闕評往事幾人知曹瞞諸將皆稱鬼
沈約偷兒定是誰螿穴何嘗無晦朔雞壇亦自有偏裨
年來不與班荆會獨坐花歸花落時

嶺海歸來一廢人顛狂無那亦無倫虎皮不肯尋羊覆
龍性堪憐並馬馴許大湖山難托足倘逢花竹卽安身
因思廣漢青蓮子紫水波中特洗塵

三絕思之獨有癡無才堪注楚人詞出門也自題芳草
寄廡何心種錦葵篋裡舊藏京氏易案頭新買陸游詩

寤忪那得常開卷開卷重驚剝啄時

春日思鄧東之

東風吹柳是春期社鼓青村賽會時啟戶正憐新燕子
攤書重見好花枝適看左氏三都賦還把江淹一卷詩
几上覓君君至否珊珊也望夜來遲

秋鶯同方還山張如三和潘木厓韻

早春天氣聽黃鸝未是秋前結舌時公子適啼殘柘樹
女兒錯望病楊枝誰家弄笛空爭巧何處投梭反自悲
不信金風吹楚雀昌黎還有雪鶯詩

種竹寄張夢敦時客徐太史莘叟先生園亭

自來移竹雨中移正是瀟瀟風雨期爲屬老僧留宿土

龍門風雅集卷十五
更教童子記原枝數竿不礙流鶯住溪院何妨有客窺
也共臯城徐太史倚窗遙計密陰時

末爲夢敦原句

遊香草寺

招提僻在碧雲窩山脚行來兩箭多
索筆欲題新筍句開窗貪聽采茶歌
洞無伏虎堪留犬僧不降龍喜畜鵝
八百年間香草寺蕙蘭春滿徧坡陀

竹林橋看礪泉

雨後溪聲怒不休礪泉別出更淙淙
野魚滅沒衝新響乳鴨喧庭下急流初上板橋雙屐滑旋攀竹子一杖柔
朱欄獨灼微吟久恰好啼鶯和樹頭

答莘叟先生贈別步原韻

蓼溪垂柳綠於春攀著枝條各愴神
鸚鵡漫勞留舊客烏鴉飛似送歸人也知長夜青山路無復芳時紫陌塵
洗耳亭前別離酒吞聲猶自酌三巡

蚤發高郵

高郵四面皆爲水此日蒼茫趁早行
鴨睡不知侵曉色雞啼已亂刺船聲
浮踪我自身無偶小閣人還夢喚卿
百丈相思烟霧隔因風回逐廣陵城

村居效白體

村居竟日少追陪日望邗江信使回
乾鵲聲喧人未至班鳩啼急雨旋來
小奚厭濕燒蒼木老婢當風進綠醅
醉裡不知山色晚柱峰遙對射蛟臺

答張如三雨中見懷

本無才具使人知，怪殺鳩茶老見疑。
鑄錯已經成往事，逃禪端合趁來時。
黑甜消盡梅天雨，軟飽吟多麥酒詩。
張緒風流還念故，卽今那得庾公斯。

勺園留飲同方還山許伊高潘木厓家石逋疊前韻再呈如三

乳燕啼鶯卽舊知，綠荷白鷺不相疑。
閉門可許僧來話，投轄先防客去時。
案上圖書諸代史，手中珠玉自家詩。
問余那日遊英蓼，須拜龍山張路斯。

潘芻藻見惠酒品並示以詩疊前韻奉和兼呈四松先生

何人是我魏無知，君自垂憐世自疑。
朝海魚孤難破浪，說秦舌在噪過時。
獨銜潘岳瓶中酒，徧看方干壁上詩。
並號世間多寶塔，画堂常擁衆波斯。

次韻答方還山王甓亭鄧顛厓陳越樓時將由臬城遠涉

天風吹亂晚山松，斗室窻禿面面封。
狗監吾翻懷得意，蛾眉豈是恕昭容。
久無雁度江千里，暫與雲離翠九峰。
大道旁邊苦李樹，諸君漫擬是乖龍。

送姚經三郡司馬之滇南開化任

早春風暖入平蕪，才子之官琴鶴俱。
江路南行吳地盡，洞庭西上楚天孤。
黃陵廟後拳蘭芷，青草湖邊聽鷓鴣。

過去雲山多曲折不知可似武夷無

龍眠山庵得天字

小霽輕寒二月天山僧招我到龍眠團瓢燕子雙飛入
隔浦鶯聲一對圓有女尋釵紅杏裡何人吹笛綠楊邊
撫心忽憶柴桑客几上橫琴不用絃

咏水僊 二首

空林人坐苦寒天箇箇花開髻几邊不羨漢宮雙姊妹
真憐瀛海衆神僊白分玉馬峰頭色黃結金鷄洞裡緣
是處水梅含未吐江南春信一行先

梅華未放草堂前幾瓣玲瓏爾獨先玉田不邀流俗賞
檀心須得我曹憐隋宮群黛誰分道楊氏諸姨孰比肩
不欲上天聊在水竟陵警句至今傳

清明

十載清明客裡過廣陵三度秣陵冬青松故壠知奚侶
芳草遙天可奈何怪我不歸惟鷓子笑人無計是鸚哥
春城楊柳當風綠未敢高聲一放歌

庚寅年三月二十五日兒復旦歿於章江舟中手

携焚骨葬於玉屏山同亾妻盛氏一穴

兒逝章江百子村舟泊百子村手携兒骨葬家園恰同顧况

誰娛老不見顏畿一返魂夢裡呼爺啼笑在燈前檢箚
禱袍存三年未到屏山路墳土於今草正繁

無題

蕭寺頻傳漏盡鐘芳心歎語恨催儂釵橫髻溜春衫亂
篆冷香銷露氣濃留得紫綃權贈別漫歌團扇怯相逢
騎驢追婢尋常事里巷何人恕仲容

泊東流大風雨連日懷小碧有作

大江今古此東流偶泊東流縣外舟蘆荻強隨風作勢
芙蓉全爲雨低頭客因把酒談無悶我自懷人到莫愁
何日小窗停繡譜水沉一縷話油油

牡丹亭在画樓西還青舊句也懷還青輒誦此

居庸關外草萋萋倦馬悲鳴日欲低老愧終軍猶浪跡
貧如原憲定何棲桃花四月聞邊雁麥葉連塍見野鷄
別後獨吟風豔句牡丹亭在画樓西

送潘蜀藻遊彭城兼致李旣林憲使

晏坐茆亭日未曛木魚清磬隔溪聞憐予已是投林鳥
怪爾翻爲出岫雲紅藥竟殘空贈句綠楊雖好忽離群
彭城跨鶴歸來早莫忘家園舊此君

九江舟中呈王子雲

楚國先生天下才卅年前到皖桐來只今陵谷都移位
歎在江沱共溯洄小艇孤燈長夜雪遠邨荒圃斷橋梅
傷心同是無妻子蘆葦蕭蕭哭不回

八月八日廣陵書至輒有此答

哭罷長干掩鶴廬若蘭何處致江魚細看是爾蠅頭字
私愧形吾鳥跡書但有悲愁雙札裡更無月日卅行餘

向來落盡風聞淚預擬歸時一笑除

園亭

園亭是處潔如初惟有新增浣不除鶴糞任遺花下路
燕泥留伴案頭書燒香手自添爐火讀史時常檢蠹魚
日暮高林蟬噪急臨風獨憶廣陵居

方還山之廣陵

江上千峰與萬峰君行未許說龍鍾陳登晚節豪如舊
謝傅看山門不封豈有期功聽絲竹時坦菴先生新逝將無酬
唱怪踈慵去年病裡傷心句彈在水絃也動容

駱汧州念菴

大守歸來春色徂江程嶺路各無虞也因客比梅花瘦
誰覲官同鶴相癯一硯未持須廢墨片香不帶可燒爐
箋頭閒寫宗元句手植黃柑三百株

聽雪齋爲張禹仲兄弟別業作

看雪何如聽雪宜古塘深處水聲竒欲刪浮渡峰頭瀑
好當康王谷裡時画筆那能招北苑石交相約坐東籬
不須采菊重陽節滿眼桃花佐酒卮

初冬過蛟臺孫不害止予精舍述往有作

十年不到射蛟臺到卽戈船阻溯洞山寺曉鐘孤客淚
江潮夜雨故人盃菊花還繞東籬立茗莢各從北苑來
刻燭孫郎空作者古今豈獨竟陵才

作家書竟寄伯兄

家書封後釘還開別緒勞勞取次裁爲說黑貂常著雪
可憐紫塞未逢梅燕山不載文犀去桃葉空携小玉回
縱使柴門喧喜鵲老兄常望弟歸來

雨霽木厓招同綏人彥升江灣看桃花時花已殘

木厓得殘花誤認是初開之句卽用此爲起句

吾輩各製一詩

殘花誤認是初開幾片朱英昭綠苔何止佳人當半老
却憐好雨未全摧安仁必踐壺觴約玄度親辭講席來
爛醉夕陽三四子野夫放脚獨先回

石漢昭午日遣人送酒

天中好雨滴閒堦誰叩柴扉送臘醅自念今非黃菊節

却煩君遣白衣來左思詞賦當年重石介丰稜舉世推

二子生平皆好我竈門屢次蕪寒灰

前一日橋亭有贈

秋夜夢林非齋老師

先生諱佳鼎莆田人甲戌進士督學嶺南首拔予冠童子

原是桐山老布衣七絃琴裏賞音稀先生輒有鍾期鑿
後歿終同方朔饑三水見騎箕與尾十年夢失瘦過肥
先生癯然鶴立今宵魂到羊城路執手依然醒又非

方當時廣文之無錫拈此送之兼致顧天石

眼底行裝書画全蓼花蘆葉送江船同人多處三吳地
之子長征八月天莫厭廣文官獨冷可知名士意堪憐
界茶不遠梁谿路到日須烹第二泉

贈蓉江陶誕仙先生

池塘春草已經過入夏園林竟若何我夢大家三月裡
君言往事六朝多松聲弘景饒清聽菊瓣淵明摘滿羅
不信廣文官獨冷愛招詞客酒如河

送潘括蒼之官吳縣學博

三十論年潘騎省

用龔宗伯贈吳園次三十句

早知三十是明年登

壇前此稱名士可鐸從茲括昔賢

宋胡瑗教授蘇湖

橋梓詩文

天下讀竹林詞賦世間傳于今好咏佳山水休說寒毡
老鄭虔

輓石維昭二首

賦鵬人剛三十三石郎閱世也相參金山寺畔留鴻跡

鐵甕城邊寓草庵

客歿鎮江僧舍

子敬倏以琴復喪押衙已逝

劍誰談不須魂痛秋原裡生得蠟珠若箇男

三株樹本太原遺兄不尋常阿弟竒豈料君先登鬼錄

却招魂至薦江離青衫客子難傳影白社僧人肯放翁

最是嶺猿腸斷夜一聲天罷一聲兒

次韻寄范湖居

竹林茅舍水烟通不與楸枰樣子同譬則古文辭妙處
參差曲折大家風

龍眠風雅續集卷十六

水厓潘 江蜀藻輯

姚士堅

字庭若號靜齋端恪公第三子年十二能文父友太史王願五見所作漢景帝論驚為良

史才端恪公亦器之最以詩曰相期讀史惟今日莫浪談詩在少年于是益殫精史學作歷代帝王

世系考歷代年表二書每侍端恪公詢一事原委井然命小史取其史其傳第幾頁幾行驗之無爽

尤留心明史隱為已任網羅野乘最夥其考定叙斷甚詳慎後游秦晉燕趙楚豫之地又時時從士

著老卒游訪明末軼事筆之論者比之孫甫唐書云性孝友端直好急難被服寒素與人交謙不自

勝少時立邪淫戒曰父母遺體而縱欲自污可乎作不可不錄四卷鏡諸板恐怵獎勸歲率來會

者盟於神嘗游金陵友人夏無見治具邀之到門聞名妓某在坐曰僧律隔壁聞鈿鈿聲名破戒可

更共杯酒乎不入人以是益欽之邑西挂車河為入省孔道跨木橋其上雨後萬山奔流百餘里往

來苦之又行者至橋之半水暴漲距岸纔數尺進退不得達以沒而甲寅乙卯間羽書旁午使者相

望於道至則念渡河以溺死不則悞軍機亦死策
馬奔湍流中僥倖萬一濟而卒不免者什七八公
慨然曰何忍乎人之魚也於是造小舟濟急足旋
募建石梁以承厥利端恪公位副憲時侍閣文卷
恒至丙夜不少息因著讀律摘抄端恪公實資之
歲大稜捐貲勸分設粥版躬經紀其事凡數月如
是者再病則施藥寒則給衣絮貧不能嫁與娶者
助之不能殮且塋者贈之以爲常公雖貴公子乎
家故貧然樂此不爲倦也美髯善言笑飲酒至數
斗不亂而談古今人物成敗治亂山川奇勝之蹟
掀髯四顧聽者忘疲精九章算法及六壬書占多
奇中公早負大志未克展厥用餼書宮二十餘年
以明經貢於鄉年未及艾卒邑屋中知與不知皆
歛歎愧惜平生慕邵康節之爲人顏所居室曰邵
窩其於詩非所好而與至援筆直抒胸臆不屑屑
絺章繪句凡十餘卷要不及其古文什之二三云

遊槭崖

渡溪頻折路攀石歷崔嵬老槭懸崖得清泉樹杪來小
奚迷送茗老圃議傳杯青壁新搜好流連未遣回

憶外舅方邵村先生

北風蕭索滿庭除驚喜天涯寄鯉魚展讀未終橫涕泗
八千里外數行書

送五兄北上就姻王紫蘭先生郎署

二首

共被西頭二十年分携此日兩茫然雙棲海燕期初夏
獨轡花驄走大燕坐席奮衣當粉署燃藜閉閣落芸篇
尊前惜別無他語屈指歸程菊月天

西省垂鞭退食遲趨庭共待月明時十年山墅孤春草
三月離亭折柳枝人說陸機先入洛家推何遜最能詩
閒過舊第憑欄眺槐蔭交加覆石墀舊第廳事一槐予
手植也今應盈拱
矣

平定州土屋

井陘天設險土室地為梁傍听因穿戶留坡便作床納
明開小牖出爨透微窻遙睇多烟火人家竟渺茫

新店道中

距壽陽縣四十里

萬山深處夕陽天獨騎行吟思渺然派派川環分更合
峰峰霧鎖斷還連白留巖畔春前雪丹溢河稍雨後泉

河水

却笑違城剛半舍絕流十九度揚鞭

祝宋艾石世兄

太行東擁勢盤紆第一名流駐隼旗楚國餘陰棠在野

并州初沐雨隨車

時司晉泉先叅楚政

訟亭間閉韓公閣幕府常

縣與祖魚白鹿已瞻雙夾轂槐庭虛左下除書

咏廣平內史草書

為宋世兄叔婦作

翩翩公子雅冰清草聖妝臺更早成顏筆翻憐新婦得

衛書堪亞若翁名

尊公姜先生書法馳名山左

晴窻佐讀風前展綺

閣清吟月共明愛殺松綾題大字高秋霜鶻健縱橫

三月十四日有感

殫力承顏二十年由來甘旨不論錢猶聞大母彌留際

語語京華病婦賢

大母倪太夫人病卒里門病篤時以先慈目恙為念

和廣陵女子壁間韻

關山浩浩暮雲遮逆旅悲吟點筆斜莫望徐郎還有鏡

可憐蔡女竟無家繫書到處逢歸鴈沾絮來年更作花

爭似紅顏隨逝水空餘血淚染琵琶

音韻通雅卷十一
午節劉扶宇太守貽壺榼賦謝

榴花拂檻敞朱筵恰是新涼初霽天久客忽驚佳節近
授餐真感使君賢作霖政最禾同穎開閣賓來榻不縣
况值扶風歌喜雨家家新泛酒如泉

送卞又徵之平陽

京邸神交舊天涯聚首新杻憐經歲客俱是未歸人况
復悲秋至那堪送遠頻淒淒今夜月偏照別離身

李子性若納第五如君

有序

蓋聞文人寄興溫柔到處爲鄉而絡秀于歸門
閨從茲多喜赤繩將繫不遠千里而來庶士載
求僅見七梅有寔旣值賓鴻之候允爲挽鹿之

期二八而筭正金屋懷春之日三星在戶看藍
田生玉之祥應知我見猶憐還能前抱莫使後
來居上甘比積薪他時燭照暮簾或有忍寒之
誚此日敕成曉閣不厭画眉之頻新孔嘉而舊
室森森芝樹行看繞膝而吟屬在石交敢忘燕
賀余也草荒浚院鎮日垂簾萍泛天涯忻逢御
李雖蓬蒿滿徑居然張仲之廬而風雨相過時
命拾遺之駕七寶花障但願聞聲五彩雲箋行
看玉記祝房中之多子先獻石榴知車前以宜
男載歌采芣爰裁五韻用釐百年

西北佳人昔有聞巫山何必羨行雲蘭花有夢看宜子
樛木多情望細君第五祇今新獨立三星可念舊爲群
應嫌二仲常鄰近間一相過到夜分

何子玉其雨中過訪

浙瀝聲聲曉夕聞起看四野又同雲詩書靜對當知已
風雨情深獨有君久謝賓朋甘寂坐喜聽剝啄是吾群
新詩句句堪欣賞細論從教夜色分

懷里門兄弟

樓上寒砧處處聞客心終日盼吳雲書聲課弟煩家督
雨夜連床憶卯君一自廿年皆共枕何堪二載獨離群
最憐此夕團團月可有清光兩地分

懷五兄時侍大人京邸

京師消息此常聞北斗依依望白雲琴劍他鄉猶故我
晨昏子舍獨勤君年餘離緒袞纒共別後新詩孰與群
却憶桑乾携手日春分不覺已秋分

夜雨獨酌

蕭蕭木葉數聲聞星霧依稀起片雲翫月那能同法喜
學仙便欲訪茅君淒淒夜雨留人醉陣陣悲風送雁群
誰道高秋秋便爽陰晴屢日未能分

獨酌遣興

促織聲聲向夕聞新晴天際總無雲思家步月人千里
懷古何心咏五君知我卽今誰鮑叔忘年端不識陳群

龍眼屋形經集卷一
可憐雄伯紛如許久矣難將石玉分

招李何二子同遊西頂

西頂峻嶒舊所聞山連塞北樹連雲何妨選勝成孤往
偏喜尋幽共二君新句任携搔首問高崖不與衆峰群
也知作伴無多日况復秋光已十分

席散後何子復同余聯轡過小寓賞月

良宵寂寞與君同酪酏垂鞭到桂叢幾句新詩敲夜月
數行歸雁叫晴空旅厨自愧無兼味沽酒還堪敵朔風
不是故人能過我可堪獨坐露華中

九日沁州登高遙同何子玉其限韻得重字

令節他鄉客屢逢最高峰上也停筇山從汾北千崖繞

水向城南一澗封觸目總無籬下菊迎霜剩有道旁松
登臨望遠情何限燕樹吳雲千萬重

潁川送翁子與歸高郵

蕭寺喜爲鄰班荆正浹旬丹青時在壁風雪伴行塵濟
勝老逾健微酣筆有神片帆歸去駛愧我倦游人子與善繪事

五日榴軒榴花大放阻雨不得觴咏二兄以詩見

懷依韻賦和三首

鎮日風聲逐雨聲蹒跚屐齒不堪行晴來便過西頭醉
何必榴花照眼明

十年却憶讀書聲細論新詩花下行酪酏連床還得句

龍門風雅集卷一
最宜風雨到天明

數載風塵日日新每逢佳節索居頻今宵縱不同沉醉也勝年年岐路人

題張昉若畫唐子西山居志圖

山水情深寄薜蘿吳中高士此婆娑拂墻新柳枝枝弱礙石溪流細細波五嶽堪容宗炳臥一丘真覺幼輿過烟雲几席宜招隱風雨浮家笑志和

夜宿任橋風雪大作枕上口占兼懷十一弟和吳

方東韻

無端宵半寒威重風入重衾雪打床影射窻間清皎皎聲蟠枕上遠茫茫艱難村酒驅長夜容易歸心到故鄉幾度苦吟吟未穩欲將幽夢咏池塘

冒雪驅車夜至廬州城樓戍鼓已三更矣賦寄十一弟

經旬凍雪洒征裳日日驅車夜未央古道霧迷沙徑合戍樓風送柝聲長憐余歲暮衝寒苦念爾秋晴着屐忙却羨承顏當此際樽煖閣有餘香

南歸道中口號

少婦孤兒泣路隅單衣赤脚雪中呼人間多少丹青手誰爲君王繪此圖

余向讀書廳事之旁卽大人丈室也今夏爲長兒畢姻于此因於內齋隙地小構半間爲靜習

龍門屈雅集卷一
地顏曰邵窩同二兄十一弟小酌步 大人丈

室原韻

結構雖云小幽栖也自如興來還把盞倦起亦攤書一
几孤燈靜雙趺百慮除叩門來伯季獵飲莫教踈

又因堦前種蓮限蓮字 二首

小築倚樓前經營亦有年膝容一笏地眼豁萬重天花
影墻頭過書聲閣內傳栖遲隨境得何必在林泉
爲愛濂溪老觀蓮學種蓮擔泥來郭外移甕就牕前種
自樅陽得花思梅熟天相期頻載酒莫惜杖頭錢

二兄招同諸友酌月溪柳讀書堂

圓坐傾

納晚涼盆花遠餉讀書堂

十一弟送離離月
秋海棠

下沉踈影一幅天然墨海棠

過茲園訪二兄不值 二首

茲園不到甬經旬花徑柴門一一新半畝方塘淡樹裡
墻頭山色故迎人

衝炎興盡却言旋何日披襟北牖前便摘園榴還採藕
弟兄酬唱晚風天

偶坐茲園納涼因憶溪園

到來不覺暑全除嫩柳高梧日影踈恍坐溪山最溪處
溪園溪處更何如

岸舫酌月懷十一弟

臨溪小閣宛如舟月下澄潭影上樓歷歷溪山皆在望

季方何事不同游

二兄坐春水船中招之不來

秋月盈盈秋水天秋山紅葉滿林鮮此中別有桃源路
莫戀人間春水船

懷仲兄

時宿松茂巖亭堂

憶丁未春與仲兄侍嚴大人京邸時母服

初闕未卜佳城酒酣以往各言所志涕泗滂沱
余云但速得吉兆松楸有托卽功名遲速無復
計耳仲兄則云我意小異若能衣錦言歸徐事
松栽卽吾母亦含笑九京矣越二歲爲己酉而
仲兄果雋北闈余亦於是冬同諸弟奉母歸

此至今秋予凡四放南闈矣而仲兄且珥筆承

明扈駕口外一游萬里親覲天顏余也顧

瞻墓木鬱鬱葱蔥言念當年不覺三歎

仲兄通藉久余也尚諸生酬志三年事悲歌十載情山
溪風浩浩月徹水盈盈手植松成把風來亦有聲

冬日侍

張師同箴我十弟游溪園和張師韻

陟巘迎流到社壇背風丹栢敵霜寒溪山欲盡漁樵斷
忽有柴門隔水看

聞茲園芍藥盛開東二兄

聞說茲園勝事繁盈堦芍藥竹生孫杖藜欲過探春色
先遣奚童一叩門

前明屈翁雅集卷十六
兩甥構小室於檜軒之旁以奉吾妹顏曰陸舟十
弟作詩美之余輩屬和

淡園岸作舫此地陸爲舟小構能容膝攤書當臥游北
窻風勢迫空際檜陰浮卽此堪承志何殊百尺樓

邵窩酌鱗走筆招大姪同飲

百里江魚至三年家釀開莫嫌兼味少暫輟夜書來剪
燭論文細吟詩擊鉢催山酒量堅坐看傳杯

秋仲侍 張師四叔二五兄及十弟飲崇修姪樓

上看月卽席限居字和五兄韻

我亦愛樓居相邀興不虛庭中一月皎窻外數峰疎蟹
剝霜前味盤登臘後蔬把杯同得句次第索箋書

皖寓夢遊茲園

竟到茲園裡池乾水欲平弟兄投轄興甥姪讀書聲驟
雨連山暗清流繞舍行鄰家鷄喔喔身忽在江城

茲園芍藥盛開 二兄云少遲當折柬相邀賦此

速之

淡雲籠日養花天細雨輕霑色倍妍便欲叩關看爛熳
何勞遠折五雲箋

送十八弟挈家入山

幽棲余有願喜爾獨先行挈室群山裡誅茅三徑平經
營當首夏板築趁新晴十畝兼秔秫千章間栗橙崖陰
茶早碧林密鳥繁聲春水村村匯竒峰面面橫交游看

易淡心跡漸雙清操作萊妻共籃輿稚子擎清温休戀

戀岑寂莫怍怍孟樹書堪讀陶田力可畊安貧即養志

閉戶自成名逋客鳴騶日移文為謝卿北山移文為君謝逋客又云鳴

騶入谷

賑粥紀事詩步家伯兄韻 四首

拯饑皆有志不用發長歎米向仁人乞緣隨十日餐首

者各輸米五石且供十日之餐施柴來嶺外買水自河干早餘井竭買水繼之不

覺春將半花開到蕙蘭

停炊歎已矣片札到山城百石天中至千人匝地聲吳公

五崖捐米百石送厥公時校士中州釜鬻重舉火襁負慶更生四境嗷嗷

者牽衣踏雪行

爨火光如晝三更月未斜沿山人待露滿釜粥開花煮粥

以釜中門殿上柳初動堦前靜不譁散粥以柳聲為度啓扉魚

貫出踴躍趁生涯

麥熟兼時雨鳴鴻不用哀年從君意卜恩向日邊來徐大

中丞疏請蠲荒弁改折悉荷俞允白粲輸花縣李明府屢次捐米常平檄栢臺

中丞檄發樂郊隨處是歸去莫徘徊收厥後時遠近饑民皆焚香泣禱不

忍別去

舟發樅陽門程子上追至作半日談

江干纔解纜顛蹶故人來揮手遙相語停橈莫遽開一

從經歲別此去幾時回坐話頻移席茶鐺手自催

江行

下流江面濶南北皆夷曠兩岸盡蘆葦水發隨所漲窮
渚與沒州奔漫一何障溯流皖之南南岸山連嶂岌岌
攢霄漢巖巖紛列仗一磯復一磯水石莽相撞轟轟鳴
霹靂震撼不可嚮湍轉日月奔浪擊星河盪下水點輕
篙離弦矢欲放溯流如登天艱難難具狀我來忻有托
東北風勢壯揚帆直上磯乘風破其浪水力與風持中
流忽悒快雄颺逾怒號踴躍乃得上百里笑談間稽首
謝神貺天時勝地利意外非所望彭澤酒莫沽待沽湖
口釀

小孤山

雷港東南望孤峰筍插雲悠悠驛樹過冉冉午鐘聞卷

石中流峙長江終古分乘風上急水帆影各紛紛

柘磯堂是大江鄱湖兩水匯處

柘磯堂在望二水不爲群高下江湖異東西清濁分江

高湖水尺許湖遠帆浮木末白浪接朝雲雉堞山城小

水清微不滯也波濤日夜聞湖口

湖中望匡廬不見

注目望匡廬白雲遠搖曳奇峰不可見但見夏雲締峰
腰彈丸大倏忽連峰蔽濃淡俄頃間山天兩迢遞誓欲
待雲開峰峰一凝睇河伯助余風風帆不可滯雲端露
微黛直與天相際或是五老峰示我以頂髻他日陟其
巔英英入我袂陶宗遺跡在高風如可繼

登青蓮寺江天閣和談司馬念若世兄壁間韻

楊子洲邊晚繫船居人指點說青蓮相輪猶是將軍澤

塔是前朝劉將軍經捐資建造

高閣俄成節使緣

佟中丞建閣

袞袞長江縈

檻牖

寺三面臨江

依依梅嶺起雲烟新詩白傳真堪並司馬

風流此地偏

上藍寺老僧話舊

丁亥鐵柱宮淨水碗忽鳴鳴鳴若有訴滾滾如沸騰易
之更復爾五日不絕聲未及期年間櫬槍畫縱橫王師
自天來三旬濠其城困獸殊死鬪自春復至春薪蒸棟
梁盡金羅雀鼠烹斗米銀五兩升米珠半升夜淡間作
糜糜香四處聞兵民尋香來奪糜爭殺人小校倏向善

折東延衆僧三日不得出化作釜中羹知者但飲泣守
死不出門羸弱與婦女食之不復云逆賊旣投首殘黎
亦同弁白骨積如山殺氣暗乾坤盡日城中走所識無
一存存者殘僧八稽首感佛恩承平方二紀癸丑碗復
鳴吁嗟一老僧三生此地人

囑寺僧汲香爐寺水烹茶時適有饋北源新茗者
聞說香爐寺清泉不染塵倩僧盈甕汲有客餽茶新皜
皜三江水芬芬四座春炎蒸頓覺盡不問五陵津

貢次井惠画賦謝

雲樹溪山位置新天然丘壑不由人歸裝莫訝清如許
滿載烟巒未覺貧

音韻風雅集卷十六
入栗園觀壁間報香歌諸詩戲和

初霽山中雪未殘梅花映雪耐人看壁間新句都堪賞
斗酒高歌興不闌

和二兄遣力送藥酒韻 時山中大雪

梅花雪瓣亂交飛中有幽人滾下幃谷口犬聲喧不住
擔來臘酒浸當歸

又東謝二兄送酒

空林萬籟夜淡稀風靜幽泉到耳微長嘯一聲山月悄
數杯藥酒失寒威

有述南郊游人之盛者賦此答之

桃花十里艷陽春花下迴風觸處新溪谷幽蘭香細細

殷勤伴我閉關人

示二女 二首

三旬不見瘦如斯含淚相看不自持我痛在心汝在手

九原可作涕交垂 內子病篤時二女到
殷進湯復延九日

彌留一刻值千金九日重生慰我心強飯久乾孫楚淚
今朝爲爾更沾襟

十弟餉余新樽冬筍賦此謝之 二首

晚風浙浙晚寒初獨步空庭星影踈判對孤燈從漏永
何來新酒又新蔬

冬筍今年似去年烹來白水色香全無端却憶文居士
晚食偕妻一惘然

十一弟念子岑寂風雪中馳東相邀詩以代柬

索居無一可或與酒相宜糟床三閱月支離一至斯良

朋苦口際臣胡枚兄弟涕零時我心匪木石能不感且思

不能追邴子且復限多厄誓言誠旦旦廿杯以爲期歡

餘限已竭陶公真我師酒節語亦寡氣與神相隨願言

終身佩肯云崇朝移日來朔風厲急雪滿疎籬嗟余形

土木寒慄不自持只可深閉戶孤燈飲薄醪滿籌便就

榻醺然到皇羲若復稍淡坐寒欺酒力微醒醒直到曉

百感相交馳况復遠赴酌淡更獨自歸寒威四面入中

人不自知我運斯不辰吁嗟母乃危狂飲與節飲失意

總皆非卯君念岑寂折柬遠相期北山雪際天眉閣尊

可携願言率群從竟日倒接離感子意肫篤聊復寫此

辭且俟風日融索酒坐前墀開懷一痛飲慰我老狂痴

倘肯責然來破我愁與悲中饋雖往矣旨蓄頗多遺遺

酒尚盈甕爲君一啓之

盆蘭二首

盆蘭春又盛新舊葉參差花較淡山早香於曲室宜臨

風憐弱質映月喜多姿對酒狂歌發停杯忽有思

昨歲桃源曲尋幽共老妻移來淡谷裡栽向鏡臺西護

葉風常避觴花案每齊不堪追往事對爾益含悽

新茶寄二女

開園初夏曉雲天採向峰頭帶露鮮瓦合封題貽織素

好烹河水餉姑前

樓頭囑雨

閒對西山一舉罇無端烟雨滿城昏東風倩爾吹雲散
明日看花到遠村

速主人往南郊看荷

芙蓉灼灼葉亭亭莫爲輕陰展便停縱使看花偏遇雨
滿池滴瀝最堪聽

雨中戢影邵窩十弟索硃點定通鑑口占贈之

高樓烟雨四邊來遙睇連峰霧不開獨坐小窻點周易
恍疑身坐小蓬萊

入山採茶偶至黃家河看杉苗忽傳客至余喜曰

必余子艾遷馬甥仲昭也遇諸塗果然信宿探
竒又得霏玉岩之勝口占紀之

三首

幾年培灌力今日試新茶摘葉母沾露壅根喜帶沙香

從微響發

入焙如爆豆聲
良久乃發香

碧向霽雲加

色以晴勝

更愛初冬

侯山山茉莉花

乾茶連卜夜小寐竹風邊偶爾扶筇起悠然信步前沿
流四五里辨樹兩三年有客來相訪鄰翁促我旋
縱談別業勝山水以真竒異石高低立清泉向背宜怪
偏擅地勝拙不受人移千古誰知此柳州或庶幾

山歸得二兄家書喜賦

纔自山中採藥旋捧來手扎意殷然揮觴莫訝歡無限

龍門居士集卷一
往返炎蒸路五千

時奉差自
遼陽回

典券還時手自焚石田數畝免紛紜
堪憐范史如水署底事攢眉念卯君

憶庚子秋山中打栗歌有提籠寄高堂
三百數還

溢之句感賦

弱冠桃源曲高秋栗熟時持竿落箇箇
緣樹摘枝枝撰實兼封識提籠更賦詩
忽焉二十載往事不堪思

以懷

陋巷簞瓢士不聞索負人方知心少累
自與道相親公子貧非病吾翁廉益真
悠悠世俗喙鄙我覺無因

東朱道于明府

本爲饑驅出途窮更異鄉米從仁祖乞
莊慮陸家荒覲面言辭拙虛歸道里長
滾情托尺素舊好莫相忘

客新安聞三兄來旌陽余適以目病未能往
晤遣

使代東

三首

寂寞新安客聞君馬首東離棕七載內
良晤片時中命駕晨將發微疴不可風
如何一舍地姜被邈難同

莫問別來事蕭條非故吾向平婚嫁逼
張愈笑吟孤歲儉經營拙途窮車笠殊
生涯詩酒外冉冉白生鬚

本爲饑驅出到來翻苦饑虛期那可副
廉吏太忌機靜對霜林晚閒看旅雁歸
知君滾念我搔首對斜暉

綸如招飲太平寺和綸如韻

飯罷携筇便出城西千爽氣已相迎遠公酒許淵明醉
阿惠詩先康樂成練水遠從千壑會黃山晴見數峰橫
厭厭不覺歸來晚新月俄從樹杪生

觀江允凝黃山圖

黃山圖凡百精妙世無匹百幅山勢連奇峰爭率律水
靜若鏡明動若飛鳥疾松柏竹楓藤丹翠各秀逸人物
與花鳥生意都勃勃亭臺及蘭若種種不相襲自有此
山來未有此妙筆就中仙僧洞筆勢尤奇放飄飄一老
僧振錫青霞上獨入此洞中含吐清虛况竹松冠石巔
足下雲摩盪積水穿松石恍忽從天降水雲淨窈冥天
嶺氣遼曠此洞自千古流傳罕佳句將無太幽淡游人
或窘步吾便欲誅茅來此洞中任裹糧尋圖入窟幽更
作賦陵谷有時遷此圖無來去大矣丹青力必有神物
護借問圖者誰此山江生注

紀夢

我愛黃山圖擬作黃山記夢中揮毫素慘淡經營意展
圖几案間山妻笑來視君愛此圖乎爲君繡一織信手
施鍼線縱橫紛位置且繡且談間酬問及家事因言我
有妹蚤年適江氏君今在新安問其平安未卿妹纔兩
女唱隨有夫婿雖從患難後家產未蕩廢且談復且默
各自運神思門外風雨號几上燈搖曳窗紙獵獵鳴毛
髮爲辟易君繡倏爾成逼真了無二鋪海白漫漫高峰

浮數髻瀑布飛上天古松低到地楓柏與竹柏丹翠相
掩蔽一石復一石石石凌空峙一峰復一峰峰峰向人
媚危橋松作欄絕磴梯可至亭榭峙佳處谷口深藏寺
人物與舟騎一一皆工緻幅首各標名篆隸楷行字只
此數尺絹黃山取如寄芥子須彌納尺幅千里備卿卿
誠妙才慧敏不思議記成當作跋寫此妙手技拂紙重
研墨走筆以相示卿忽發長歎寒威夜深萃旅邸好自
將眠餐莫顛顛君記待明朝余亦從茲逝挽衣不可留
淚下空沾臆夜雨響空堦滴滴愁人淚

得家書因憶三兒

汝兄昨有信云汝病全安實語誠爲喜虛言且自寬持

書緘復視把盞醉重歡惟疾憂惟我身心莫浪看

冬日同江允凝汪東大啟悟師游問政山因過擊

竹庵訪悟然上人

逶迤來問政十里竹參差仙跡于今在

聶仙古
跡甚多 高人不

可追行吟吾輩事杖錫老僧宜爲煮春前筍鮮香尚若

斯

江允凝移樽小寓共用燈字

寒扉晝半掩短袖手如水好友來三徑清樽携數升藏

鈎推弟子醉眼視高僧夜月當軒出頻吹席上燈

古詩
月出

吹
夜燈

奉和曹篁峙年伯見賜之作並謝惠近集法書

筆硯焚餘老尚親如林著作總清新文場于古堪三絕
高士而今第一人每望雲山思白社何期邂逅奉清塵
頌來詩字真傳世蕭瑟歸裝喜未貧

年伯居婺源村中偶至郡城余幸得

謁

將發新安江漢石年伯留飲席間感賦

為憐風雪苦折東且留行欵欵一尊酒依依十載情高
年狎七箸青眼健縱橫步岵徒瞻望哀哀百感生

五兄署歸夜讀二兄候之小酌久之不至詩以速
之共用聲字命余輩屬和

清華數載也崢嶸何事商音太不平薇省西暉慘淡意

每武功館課竣輒構一藝東頭丙夜苦吟聲鴛鴦我尚思千里鴻鵠

如君定一鳴著作等身行問世春來紙貴洛陽城

又用聲字示兒輩

清白傳家久益貧持籌射策兩何成入山每苦盤餐遠
鍵戶那堪剝啄聲舌在張儀終作相經明侯勝豈歸耕
可憐老憊飛鳴意爾輩能無捧檄情

梯岩山房 二首

萬山深處更扶筇共指峰頭第一峰遠近杉林青不斷
雲山足下坐來重雨移貓竹初舒翠崖倚孤松老作龍

更喜高岡新得水清泉石上碧溶溶

山高無水舊苦遠汲偶于石罅得泉

甘冽異常早澇一致命之曰勺泉

春來處處草萋萋山頂林端遍作畦宿韭初芽和露剪

晴雲逐望帶星低燈明樹杪開遙岫松拂簷前護短隄
酪酏不知天欲曉蒼茫樹色一聲雞

歲暮漫興 十首

豪放坡居士治生總是慳觀空都覺幻縱老且偷閒適
志詩書裡怡情水石間斯人如可作携手欵柴關
老眼燈前字昏花不耐看詩書千載上天地一身寬未
敢希能樂何常居鮮歡酒香時到鼻把盞雪漫漫
幽蘭青鬱鬱采采自江南花較吾鄉早蕊從十月含栽
須尋土瘦曝愛向陽酣更喜盤根大蘭根以結若餅年
者歲歲作花
年花事苦

歲暮百逋集挑燈始靜居下惟千慮息到眼數行徐意

適杯中物厨寒瓶內蔬絕糧冬少士不敢歎無魚
元亮曠懷士饑驅也叩門言辭夫豈拙羞澀使聲吞一
旦虛期副終身冥報存我生千載後亦戴主人恩
尚友陶彭澤逃名酒一杯謀生休願外課子亦因材家
釀微微醉瓶梅緩緩開雍雍門內樂一任漏聲催
經月勞勞者園扉掩不開偶然鄰叟至折得嶺梅來頻
問山中事同傾心裡杯梯岩竹樹少寄語更須栽
山墅荆榛裡經營十載情果蔬隨藝植茶竹半生成茅
舍牽蘿補頽垣壘石平此中堪避債不敢說逃名
樓頭閒點筆漸漸覺寒侵急雪飛千岫衝風振萬林添
衣驚驟暖無褐諒難任施絮年來輟長吁百感淡

世德綿遺澤家聲願不違兩兄俱薄宦諸季亦雄飛丘
壑予堪老輕肥念總非入山驅欵段稚子候柴扉

過胡叙仲故居感賦

可憐君逝後妻子病貧侵零落先疇盡饑寒我慮深秋
螢徒自照玉樹望成林獨此數椽在君當諒苦心

寄賀鄧元固世兄海道二首

崔嵬三戟耀南天一路歌聲湛露偏枹鼓靜縣東海月
犢牛新藝北山田一白簡澄清志最奏楓宸綸綍宣
側席正懸卿月待濟川勲業更誰先

十載睽遠魂夢依驚傳除日到柴扉申公簾自多年捲
陸氏莊今存者稀戊子譜誼尚在仕籍者惟先生及朱四兄二人古道祇應推

魯國神交端不讓元微饑驅便欲來相訪仲叔猪肝願
莫違

杞縣道中

六出花飛在暮春此方狎見不為新驅車古道南來者
單袷衝寒愁殺人

大梁旅舍蔣莘田世兄貽酒饌賦謝

客况蕭蕭汴水濱擁書獨坐欠伸頻忽驚壺榼來廳府
頓覺光輝動路人幸舍有魚堪果腹青林命酌可留賓
眼前古道如君少千里饑驅難具陳

清明日淇水道中二首

群兒插柳笑歌盈有女同車陌上行怪殺今朝緣底事

忽思佳節是清明

從此風花日日新
客中濁酒倍情親
遙知諸弟尋春處
念我天涯獨醉人

稽忠穆祠岳忠武廟

稽公于此死節
岳公湯陰人

兩公死去恨猶深
殺賊平生未了心
箕尾騎歸何處去
獨留遺廟在湯陰

指日中原報捷音
高宗何事苦相禁
莫言晉帝昏駸甚

尚識忠臣濺血心

惠帝猶念死忠穆高宗
忍殺生忠武不逮遠矣

殷太師比干墓

在淇縣城外

箕子終身竄海東
夷齊尚不為周農
可知遺恨泉臺下
孤塚纍纍新主封

沿途栽柳

千里遙遙官路旁
盡栽楊柳兩三行
濃陰他日誠堪羨
憐爾耕夫輟耒忙

荆卿里

荆卿兒戲別燕丹
壯士悲歌興已闌
此計緣何賓客曉
白衣垂涕萬人看

初至磁州沽來鉞酒清
冽竟似吾鄉但微甘耳
因憶昨宵之酒薄
惡臭澁殊不可嚮
邇感而賦之

沿途薄魯只沾唇
林慮督郵更可嗔
磁酒居然桐酒味
他鄉益重故鄉人

聞武安李仙洲衡簫兄弟話定晉巖之勝

佛殿僧居盡在崖下佛殿極宏敞峻嶒然其鴟尾尚去崖數丈惟東暉夕照光乘隙入若亭午夜分曦景罕到諺云三崖高崖凡三寺中無雨櫛比而峙有風蓋崖洞深迥陰蔭風生雨即滂沱水行崖上故無風而風雨而不雨也相傳大殿工竣欲立碑為記王僧于迤北募一石碑穹窿豐厚道遠不可致乃于山下居民募耕牛數百頭以運期以某日昃時牽牛居民許之先時咸芻秣以待至期杳然然被募之牛皆昏昏伏地下不食水草如是者兩日夜眾咸異之忽寺前崖下石裂有聲則碑隨石起泉隨碑湧碑屹立泉上泉

環流碑下矣而居民之牛皆蘇其碑瑩徹如水晶故名碑曰透靈泉曰湧碑今此碑尚存不知何時被雷電繞擊黯慘無光字亦磨滅不可盡識而泉則依然如故不溢不竭清徹可鑑足供寺僧之汲蓋此崖舊無水寺僧恒苦遠汲云聞道三崖裡僧居近百扉但聞風浙浙不見雨霏霏仙碣隨流出清泉湧石飛微陰三伏候總著薄綿衣

聞話武安風景

武安西去萬峰攢廿里羊腸十八盤過此遼州平曠地
峩峩山右在雲端

有話武涉山中秋海棠者一首

海棠秋日萬山中下下高高淡淡紅陰壑亭亭盈丈許
天然一幅錦屏風

野人習見呼蕎麥野人呼為不在名園只在山好事者

市即爭似桃源花兩岸尚隨流水到人間移植城

白梁洞

洞在磁州絕壁數十仞人跡罕到好事者攀藤
附枝而上至山頂忽平而中斷左右不見其際
俯視其下峭壁對峙杳杳冥冥但聞水聲滔滔
風林震盪驚魄搖魂斷處有巨木橫臥其上長
三丈許圍三四尺乃騎木猿行俯伏而過則丹
竈藥爐杵臼之類咸備或昔者仙人修煉之所

不知幾千年矣但巨木露臥風日侵蝕而白哲
如新毫無腐泐何與豈仙跡常留必有神物護
之歟洞故以白梁名也

絕壁緣藤到上頭兩山中斷水橫流白梁三丈何年置
仙跡依然似可求

同李仙洲東郊看花偶西府海棠一株嬌艷可愛

仙洲罄杖頭所携買之携歸武安將以明晨夙
駕余不覺羨之而作是詩二首

看花信步買花忙百里携歸植草堂花定有知添爛熳
年年艷冶鬪春陽

卻憶家園廳事傍數株掩映讀書堂饑驅不記春如許

羨爾偕花歸故鄉

同張拱辰登中州第一樓

形勝中州誰更過高樓第一鬱嵯峨山從林慮蟠燕塞
水合洹漳達御河淡淡春光隨處樂茫茫古蹟半傳訛
與君憑弔千秋上壘塊多端喚柰何

又同游張氏樸園登文昌閣

荒園小閣獨巍然携手登臨野色妍四望麥秋千頃碧
一聲清磬萬家烟垂綸柳下看魚出汲水橋頭淪茗鮮
爛熳刺梅花似菊數枝折向晚尊前

初夏任使君吳齋先生招同張拱辰張大章諸友
郊外看花集觀稼亭

南樓常許奉清塵又共尋芳結伴行冉冉楊花輕未下
依依麥浪靜還生席移檻外延初綠鳥弄枝頭變夏聲
酩酊不知歸路迥長堤新月影縱橫

任使君招飲郊外

自公少暇便偷閑招我同看郭外山酩酊垂鞭淡樹裏
長橋燈火使君還

同友人郊外尋春過野寺老僧笑云春歸已二月
矣賦此自嘲

本爲尋春向草堂春歸何事太匆忙紛紛柳絮從風舞
點點荷錢出水香

送王仙佩孝廉入都

仙珮于戊戌巳亥兩次召試俱蒙 章皇帝特
拔五名之內巳亥之不第也 先帝每向近臣
咨惜之及辛丑再上公車而 龍馭已上賓矣
今方以選人需次京師遇合有數爲之三歎
先朝射策 主恩優零落詞壇三十秋共擬齊賢還作
相何期李廣不封侯文章巳占無雙譽循卓行看第一
流蕭寺班荆忻問字明朝岐路各悠悠

任田子遺端陽節物

荻簾淡下坐匡床剝啄聲傳到耳傍手札盤飧頻慰藉
忽思明只是端陽

午日招同寓吳淵如午間泛蒲

槐陰淡院晝無譁睡起閑堦日影斜却喜僧雛能解事
遺來蒲艾並榴花

早發磁陽田子又飛騎追至十里郵亭相送

握手欷歔奈若何不堪此地又驪歌長途官柳綠綠綴
可似離人別緒多

疑塚

發塚中郎事太癡今朝也有兔狐悲草囊歿後猶猜惜
仲達同時爭不疑

袁公渠

清化旅店籬落外溝不踰丈濁河流澌浩浩洶
洶波浪間作藉席坐其滄涼風颼颼入我襟抱

毒熱頓消予顧而樂之問主人曰若大一溝耳
而水勢如此何歎主人笑曰噫是溝也乎哉渠
也是來自太行山之西穿山而來數十里矣萬
曆年間有袁公應泰者來尹河內憫地之瘠且
苦旱也周行境內相視水道一日登太行見山
之北有河流其麓審視數日躍然起曰彼高我
卑此而爲我有則百世之利也乃起境內民夫
鑿而穿之一邑盡譁以爲卽神如大禹止聞鑿
山通道不聞穿山引水紳士咸危言尼之公毅
然行之不顧凡二三年而功成太行山下之水
盡由山足穿山而過入于我境茫然巨浸支分
派析灌田以萬頃秔秫皆宜水之所經地悉潤
澤豆麥竹果皆肥茂于昔他利不可勝數河內
以此富饒甲諸邑雖大旱此渠不竭其源遠矣
河內之人謳思之至今然其測水之高下究不
知其用何術也

離外長渠浪若奔滔滔百里繞墟村穿山引水從汾絳
斥鹵桑田長子孫

倪繪江遣使至偃師以綺卮等物見餉却寄二首

晉綺名卮并潞醅呼僮收却轉徘徊清貧念爾無多俸
應向誰家典質來

生平離別未經年從此天涯更渺然努力清廉酬老友

頌聲絡驛到林泉

口占

世態交情自古今春庚秋蟀莽相仍悠悠誰不輕梁柳
欵欵惟知餉晉陵此夜尉能呵李廣當年人自敬和凝
孝標論出成怒尚有幾希念友朋

去思碑

周來遷擢碑盈道

循吏無論矣

卓魯休官寂不聞獨有中丞

終公鳳彩

身逝後路旁遺愛見鐫文

堯言 三首

芊兮生汜水移向覃懷栽共艷知名處都忘所自來

豈惟

人忘之芊女自忘之矣物猶如此人何以堪

我行淇水道不見淇園竹詩人豈我欺高岍尚為谷

黃河濁萬里清濟絕流渡玉帶束其腰清白在自樹

偶讀岳武穆傳感賦

秦檜挾金而議金挾二帝而議高宗懼焉以為

二帝歸則已仍康王耳故與其北面二帝母寧

北面金人也武穆日以滅金歸二帝為事其能

免乎不然夫豈不知武穆之為長城也欽宗于

韋后之歸也曰傳語九官我得太乙宮使足矣

后歸乃不敢言可想見其時矣他日又曰寧至

覆國不用斯人蓋張俊亦喜言恢復也豈不情

見乎辭歎

康王秦相兩知音割地稱藩奉大金常恐父兄還自北
獨歸母后見淚心

溫縣司馬懿溫人

魏武聰明好用疑可憐枉殺好男兒試詢三馬同槽夢
日日君前知不知

過汜水縣

高秋策騎陟崔嵬遺愛猶傳在草萊庠事道傷爭嘖嘖

居民錯認令君來

潘又生三年前令此地有惠政余面
龐與之相似故居民喜而爭相告也

成皋故壘

虎牢關二首

拓地兵家第一先但爭形勝進無前成皋雖復彈丸大
楚漢相持動踰年

不將身自封函谷寇入門庭苦戰爭畫地鴻溝應歿守

東歸豈得見彭城

又題二首

天下紛紛正未央如何衣繡遽難忘可憐夜半歌聲起
哭擁虞姬是故鄉

楚王漢帝俱英雄兒女鍾情末路同鴻鵠悲歌壯志盡
拔山氣槩遜重瞳

中牟縣

中牟三異事非奇廉吏當年真可爲太守肯容清惠宰
區區府掾亦相知

歸自中州迂道礪山晤十一弟于官舍喜而有賦

戒道淮陰正此時兼程千里恰來思連宵姜被真僥倖
半日離筵已載馳過歸德陸恂若苦留餞別余策弟必
以是日發淮權力辭而來遲則不相
值矣為之一快

敲鉢呼樽夜未央白頭弟子欵門墻先生慣聽彭宣樂
今日携來一侑觴王生適聞余至携家樂侑觴

室北空庭一笏餘誅茅斲石亦吾廬竹窻竹戶真瀟灑
首藉先生此著書新構小齋名榴軒

雖然薄宦是為師桃李栽培副所期更喜官閒堪誦讀
定須頻和感懷詩五世祖葵軒公有感懷詩子孫登第
者即步原韻不敢忘先世艱難也

礪山永城道中

棗柿陰濃百里長鱗鱗朱實映斜陽提筐婦女紛來往
處處人家烘棗香

戲自嘲答二首

乞食窮年願已虛此身大抵合樵漁一經守得徒枵腹
難說貽金翻不知

多少貽金成子虛悞人豈必盡詩書但傳家學安吾素
自有春風到草廬

次章橋驛從者占星日黑雲渡河雨兆也口占示
之

荒莊直抵章橋驛馬共飛蝗逐隊行安得傾盆通夜雨
不妨游子滯歸程

姚士塾

字庠若號松茂大司寇端恪公第五子少卽

衰崇雅士風丕變督撫廉其賢交章薦之欽賜
冠服擢秦之朝邑令甫下車卽均丁畝清鹽引豪
強百計沮之迄不能奪貧民以甦朝邑與晉蒲州
爭黃河界垂百年歲闕殺數十百人大獄絡繹興
莫能央公抗言於秦晉兩中丞往復辯難不少屈
卒從公所畫疆浚濠植柳以識之居人至今稱姚
公柳也秦飢流亾溢路公捐俸爲設粥所市棺瘞
道殣募乳婦哺遺嬰十司農某賫幣金賑飢至朝
邑歎曰廉吏也孝子也使州縣舉若是朝廷何西
顧憂以痺疾告歸歸數年而歿公爲人磊落俊偉
見義勇爲與人交不設城府人咸以長者推之髫
時耽吟咏端恪公慮妨舉子業禁之及宦遊又執
掌吏事故其詩頗少有詹閣
集數卷子孔鉅等藏於家

晚眺

夕陽斜照半山頭閒步平原興頗幽
淡淡柳烟拖遠岸
青青麥浪動芳疇
溪邊野婦驅歸鴨
浦外村童返牧牛

遙聽鐘聲傳暮寺扶筇還欲共淹留

秋霽同諸兄遊小桃源一首

攜筇重探勝古槭四山幽薄霧林端聚凝霜日午稠
依聲尋墜栗綠澗逐浮甌不覺違茲地於今竟兩秋
返騎迎斜日登臨興未窮樵歌烟樹外鴉噪夕陽中
薄霧封層嶺單衣怯晚風歸來還命酌同醉菊花叢

冬日過夏梅齋小酌

洗盞開新釀籬邊香氣過酒中風力減花下月光多
槐竹疎陰亂蔬蝦野味和縱談今古事莫問夜如何

春日卽席賦別施敏公

銀燭熒熒照別筵
淡杯不惜酒如泉
茅容鷄饌慚余闕

龍助風雅集卷十六
陶氏牛眠仗爾賢
榆莢雨昏行客路
柳花風送過江船
臨岐欵曲無他語
珍重春寒水驛邊

季秋張子岐禹仲邀遊披雪山房卽席得紅字

郭北雲莊逸勝同相邀
此日踏霜叢巖縣晴濕千條白
峰挂斜陽半壁紅
曲曲樵歌溪徑轉
浮浮落葉屐聲空
觴吟也識歸途遠
難別烟林暮靄中

脣閣小酌

室小寒威滅爐圍絮語長
風來添竹韻坐定得花香舊
釀斟浮蟻新蔬剪帶霜
更餘青果在手點解醒湯

義津橋曉發

古寺疎鐘動披裘早辦裝
馬衝十里霧人載一肩霜黃

葉枝頭盡青松嶺際長
曉風真鬢發酒肆定何方

疎影樓酌月

春色此中足行行信杖藜
遠峰平到眼流水暗穿隄
月淨花光出風恬雁語齊
園蔬堪小摘拚飲醉如泥

夏日小憩雲松巢

一几面山設涼風南北過
花飛蝶舞亂果熟鳥聲多
汲水助流瀑哦松理碧蘿
倦來心跡靜小睡意如何

秋日送別一上人還攝山

世外知音少多君續舊遊
霜華十日話楓葉一江秋
身健寒能耐心空境不留
勉成先子志穩坐攝山頭

時上人自

兼攝山之志

龍明風雅集卷十六
憶靜齋兄

半年託鉢走風塵歲暮家居仍苦貧
鄴架詩書勤課子世情枯苑莫依人
遙思雪片霏霏日可踏梅花處處春
佳句郵筒能寄我一呼清酌展眉顰

大兒歸娶

春日愛遲遲春花發滿枝遣汝歸里閨
千里路多岐買馬治鞍韉叮嚀僮僕隨
汝久依膝下此日始歌驪丈夫生有室
父母願如斯婦翁閨範肅婦道自能持
克勤并克儉寧貴九十儀粧臺有餘暇
著書志勿墮謙光而虛受戒飲真言詞
鵬搏振家聲賢愚自得師轉盼秋風起
借來莫久離

小立

又聽啼鴉噪晚晴懶從詹尹卜行程
三冬霜雪人千里每夕愁思夢五更
天上月圓偏皎皎林間葉落自聲聲
入簾乍見燈花好應是來朝抵舊城

屋漏

欲睡何曾著翻盆驟雨來繩牀移不定
戍鼓暗相催逐境成余拙安居此願
灰凌是簷溜歇穩臥興悠哉

臨淮店中懷馬甥伯逢

府帖日夕下嚴程不敢愆或陸或放舟
所在歎迤邐虎阜久淹留公事幸告竣
河冰不可渡浦口著歸鞭歸經濠梁道
危樓倏眼前此中有白肩蘇湖學業傳
一別歷

數載天假此日綠呼童命南轅與之相周旋與隸苦致
詞足僵不能前密雲捧日沈雨雪倘連縣扉屢與資糧
莫辨囊中錢聞言轉猶豫北轍情黯黯回顧長淮水南
去自潺湲

省畔至沙苑喜雨勸農

風定雨聲疾移時水溢渠天心猶易挽民困轉難舒未
計秋成稔先愁東作虛停鞭諭父老秉耒莫徐徐

何

瀆

字格仁別號愚窩司馬諱唐之曾孫司寇諱
恂之從耳孫也少負大志銳意制舉義與潘

蜀藻江方井公里齊念修繩祖然四亮為硯北友
屢被刑不售則肆力旁搜遠紹沈酣于詩或吸茗
坐隱直追商山之樂書法尤彷彿蘭亭董澄菴諸
公聞其行誼甚高徵車借箸折節與交嘗游大梁
登燕臺抵上洋足跡所至輒吟咏滿奚囊倦飛歸
憇兀坐斗室花晨月夕得句朗吟殆古之獨行君

子也栢子亮臣廷承嘗評其詩云詩生于情情感
于境少陵秦中之吟或以志喜披公海上之賦亦
云其憂思寓胃期灑落器度冲和令人有飲醇之
慕而情隨境觸志喜寫憂皆託諸歌咏備文質而
兼雅怨讀之覺正始元音可
以復作豈阿所好而云然耶

滬城秋半客思惏然漫賦

去國三秋易萍流入海天地連蜃市潤城擁鳳樓縣

東城

有樓名比戶晨昏織迎潮上下船季鷹鱸膾思夜夜在

龍眠

使至志喜

伴來剛入戶先取尺書看數月音傳少今朝始報安兒
童俱長大親故幾愁歎既涉知勞頓更闌詢未完

重遊孫司馬西園

重履西園徑濃陰訝勝前枝低憑礙路幹老自參天石
砌當年筍池翻舊日蓮行廚因看竹別有主人賢

寄懷陳天池司馬

薊門分袂抵三吳兩遣雙魚到已無古木風生官舍冷
伊人心切客懷孤涼暄枕被連席共風雨晨昏捫虱俱
死死清揚隨屋月可會分念及狂夫

上海別徐子二愚

褐衣曾惹鳳城烟交臂因君意氣聯半載飲醇燕雪月
三年倚玉海雲天陳蕃好客因徐重楊敬憐才以項傳
惜別衰頓猶善病鱗鴻可許到龍眠

吳淞烟雨

霽雨連朝漲水渾陰雲黯慘失川原迎潮浪吼風聲急
一葉孤舟欲斷魂

石梁夜月

月光皎潔照江流爲愛清輝圯上留橋影月沈風蕩漾
驪龍水底抱珠遊

元夕署中病足

萬里清光徹太虛故園風景近何如遙知月下尊前者
應念衰顏老病餘

夏日苦雨

已歎廚烟午未炊猶憐燕子色凄其明知出去毛衣濕
無那巢中黃口飢

楓

桃李三春盡占先也將紅葉向秋妍莫嫌骨瘦霜顏老
曾立唐家殿陛前

齊

亮

字然四別號屯溪順治初諸生先輩寧侯先生之第三子也與兄中立升如齊名菟苑南

渡後與王子暲文天壁暨子兩人為莫逆筆硯交有管華之契會方子子詒子克結射蛟文會三人皆與焉一時名噪白下里社推為裘領卒侘僚不偶老于諸生同人莫不惋惜三子天霞方起蘇署方越天路方越皆能讀父書者按其生平吟咏僅得吳門游草若干篇姚子彥昭序之以行乃晚年客茂苑之作也存其崖畧以志吉光片羽殆美不給賞會當哀其全集以效表章庶藉慰人友于九

原云

贈天樹上人

僧知詩善書法獨不茹素非俗僧可比

方袍拄杖度翩翩對爾悠然淨萬緣世外世中何所繫

亦僧亦俗總無牽詩文揮就祠壇重瓢笠攜來道法傳

一酌更饒雲響曲風規應是地行仙

病中得姚羹湖喜音

江山縹緲楚雲孤雁去廻峰消息無身望薊門腸欲斷
心牽護艸淚應枯傳忽天外郵筒至頓使床頭病骨蘇
伯氏水衙連尺五共子拍案起狂呼

漁

一葉飄然泛宅頻舟居是水未云貧朝隨鷗鷺為朋侶
夜傍汀沙作比鄰兒女雁行憑倚檻雞豚馴立故親人
狂颺巨浪安流穩不羨樓舡簫鼓新

樵

一鎌一斧覓枯株山路崎嶇總不虞廉吏後人猶負荷
名公室謫困樵蘇猿啼喜作淡林伴虎嘯驚聞隔嶺呼
更愛春來花事盛紅黃遍插唱歸途

耕

二月春和暖漸舒家家驅犢問新畝操豚敢祝函生始
布穀旋催刈麥初子幼烹庖堪自勞龜蒙荷插正嫌疎
一門企得西成好早畢田功葺敝廬

牧

蓑笠攜驅出蓴門縱觀千百聚平原調同扣角能酬唱
睡祝多魚入夢魂定霸大夫興五段提鞭公子畜孤豚
寧歌王泣俱何用惟望萃生歲歲繁

令及來郡貽兒子竹刻筆斗賦謝

竹刻爲嘉定絕技

篔簹異種植各區况復雕鏤百巧殊淨几置君如對画
錦囊賴爾助操觚故人投贈真忘倦父執嗑培肯自辜
久濶他鄉頻聚首秋思差足慰尊鱸

胥門弔古

閭闔城邊簫管喧淒涼不忍過胥門屬鏤劍賜君何薄
江水身沈眼尚存鞭楚志難消舊恨沼吳義恐負新恩
可知敗主臨亾恨慚見孤忠地下魂

張如三招同令及彥昭諸子集飲

城隅構得好園庭手植松筠曲逕青常道宦游虛画閣
豈知官舍似玄亭百年古木盈階綠一沼新蓮入座馨

多病馬卿疎問久今朝重得共談經

接蜀藻書得其北堂訃音詩以唁之

白雲掩却婺星明風雨河干聽訃聲宋女驟傷亡學士

秦臺新築為懷清見奉題旌八旬松閣垂青史六十著床怨

有生遠道讀君苦塊字淚痕不覺雁書盈

夢到家

寒衾裘覆臥難舒閤眼魂飛到敝廬弱女遠迎笑語開

雛孫乍認面龐疎張燈撥火先烹茗洗盞開樽疾剪蔬

何事夢回猶客夜寒山鐘打五更初

程

烈字偉昭家貧痛自刮摩尊師取友銳志千秋之業少受業于錢子雁湖暨家竹溪先生之門讀書而外矜然諾重節槩不隕獲于貧賤文采風流為後來之秀東皋李子田間錢子鹿湖方子

南汀張子常折節與交歎美其詩不去口實與里中言詩家會于亦傳劉子述譽稱良采于丙癸於

子亮書石子言昭張子芝田莘田陳子聖遵及吾

孫義炳義烈義其心後未可量也甫登四十年

之年不以衣食亂其心後未可量也甫登四十年

同人莫不惋惜亦傳言昭釋良聖遵輩倡議釀金

為刊其遺詩之什三以寓表章而予先掄鹿湖之

所最者附諸風雅續集之末捐貲板行庶幾錦囊

之篇不湮沒于溷厠云爾

次韻懷方有懷先生

遙憶鹿湖曳風塵累不關山青谿冷眼松老壯蒼顏語

鳥意同適聽泉夢亦閒白雲先壘上登眺淚潺湲

秋夜寄曾亦傳

涼月拂林起孤吟興未灰亂虫聞曲砌落葉上高臺遠
寺鐘鳴後寒原雁到纔松關碧蘚合剝啄待君開

雨後山行次錢雁湖夫子韻

泉經帶殘霧攜筇春晝長秧針纔變綠麥穗蚤垂黃採
藥穿雲竇聽泉卧石梁分明幽磡裏髣髴到羲皇

浮山

縹緲接瀛洲孤筇島上遊山從波底立人在鏡中浮古
樹風疑雨陰崖夏亦秋蒼茫目無際一嘯卧丹丘

望九華山

九子峰如劔插空雲結陰初看嵐尚淺忽爲客添淩遲
日邊層巘飛流噴碧岑托根遠人境幽夢費登臨

立冬夜同亦傳丙文蔚友大業聖遵作

出語斷黃昏秋歸何處村可憐昨夜月猶照菊花尊松

露濕堦蘚竹泉鳴石根未知嶺頭上誰伴探梅魂

同亦傳聖遵大業慕揚夜飲

秋氣慘林暮樹明見落鴉月光寒酒竈霜色老籬花失
意情偏密成名晚莫嗟壯心灰不得看劔欲辭家

滕王閣

高閣倚江開登臨重客哀如何歌舞處帝子不歸來雨
濕珠簾燕雲生画棟苔閣公清讌後誰復解憐才

小孤山

九派潯陽水中流一柱分僧縣燃堦月龍卷過江雲樹
影千檣立鐘聲獨戾聞孤標聳霄漢紫氣結氤氳

飛來寺

南雄誌載自
吾郡飛來

尚含飛動意殿閣勢趨東我亦舒州客相憐萍梗同樹
昏亭影外鐘細雨聲中舟子嗔停櫂呼人發曉風

廬山

五老九江上諸山盡送迎峰危憂石墜磴邃見雲生難
問虎溪路空書鹿洞名不須窮絕頂面目已分明

岡州送拙公遊南海

一榻圭峰上同參逾半年法舟輕入海春漲遠浮天
甕唄魚龍解禪心水月傳客中休悵別身世總茫然

丙文畏友聖遵大業慕揚夜過

斗酒易成醉細斟坐漏長病顏悅殘菊詩思結清商
雁怨寒空月燈昏老屋霜話淡聊隱几幽夢滿虛堂

九賢詩

和言昭

朱司農邑

卑瑣嗇夫職偏能流澤長一杯存漢土千載祀桐鄉
棠蔭豐碑古泉畱石井香只今遺愛在誰復繼循良

魯都督肅

鼎足中原日羣雄轉戰勢渡江寧背漢匡主欠誅曹
萬卷風誰似一困諒自高纛旂來逞地遺跡遍林皋

陶桓公侃

邈矣縱陽令孤亭壁萬尋高風瞻八翼大業始分陰
義旅詞何激謂温嶠書中原志自滾烽烟四十載西望肯隳心

李居士公麟

三李知名士先生幽趣殊溪山歸筆墨風月領黃蘇酒
徑苔痕失丹爐雲影孤龍眠真面目得似畫圖無

史閣部可法

監軍辭皖日相國誓師時障北方堅壁降城已豎旗同
朝誰共死一簣竟何爲試問中興疏當時知未知

黃靖南得功

萬頃于湖水空流碧血痕難窮百戰績不歇一城恩丞
相疏徒上長江兵漫屯參天祠畔栢髣髴見忠魂

楊大令爾銘

七載嚴疆令時艱意若何警刁裁短調支枕就長戈但
得民心固寧愁賊計多恩膏難話處遺老泪滂沱

張大令利民

危城縣一綫聊矢幾時飛不瀝千言血誰開萬騎圍

公泣

血請師

勢傾憑信固民散恃恩歸他日懷安攘如公志

畧稀

竇部將成

不惜一身死全城挫賊鋒霎時悲鼎鑊萬古見心胸血
濺城頭草魂歸天外峰君恩曾未受臨難獨從容

雨後同友人河樓看新漲兼送別

野店軒窗豁臨流客易醺濤聲風裏度人影霧中分濁
浪吞官市層峰走邊雲蒼茫好烟水遽忍別鷗羣

姚天池招同雁湖夫子南汀先生長康武周令姪

仲威集飲限韻

疎林露白紙窗明話到宵分霜氣清得遂賤貧翻是幸
不求聞達敢沽名寒松磊落千年色桀槿分披一瞬榮
蟋蟀夜闌聲未歇依稀似有不平鳴

次吳任庵先生蘆中吟韻

先生諱琪滋毘陵人中
順治壬辰進士歷官閩

楚屢經患難歸隱蘆荻莊莊近白鶴江舊為唐
太常別業再易主而後公得之公賦此詩四方
好事者多聞而和之其公子天
階游于吾桐復索和于同志云

白鶴江頭蘆荻洲葛巾芒屨日探幽間乘清淺半篙水
醉看蒼茫一片秋菰米朝春雲滿碓魚晷夜漉月隨舟
倦遊不少歸田客勇退誰能向急流

海珠寺卧病

江中孤嶼上

藥爐香走竹床頭伏枕炎荒泪暗流不道三年長作客
可堪五月尚披裘龍招瘴雨歸山閣鳥帶蠻烟到海樓
孤嶼曉鐘聽不得聲聲敲出旅人愁

秋海棠

憶昔芳心未忍忘至今啼血漬花光不知何處多情泪
斷盡千秋幾客腸睡起尚嫌餘酒氣烟銷應喜注茶香
西風吹醒繁華夢消瘦朱顏罷靚粧

登皖城迎江寺塢

招提塔壯古舒州獨客登臨最上頭天濶雲排千里雁
霜高木落一江秋楚山嵐接吳山出海水潮迎江水流
不到層巔寬眼界那知人世等浮漚

送潘仙草粵遊

昔年曾向越中行海上烽烟未罷兵
落日停船三瀧水
清秋伏枕五羊城
葛洪洞口蠻雲蔽
韓愈亭前瘴雨橫
細想舊遊蕭瑟甚
知君憑弔不勝情

冬日懷方鹿湖先生龍山

白髮青山自在身
郭門欲到每逡巡
臘殘萬嶺有春意
梅放半溪多醉人
世味遍嘗知懶貴
年華漸老覺詩新
城東自歎栖難穩
一望湖邨一愴神

懷錢飲光先生

高名無怪滿乾坤
風雅千秋壇坵尊
青史尚存江北叟
翠華空斷粵西魂
山邊白晝雲生屋
湖上黃昏雨打門

許我聽經到椀水
幾重烟樹隔孤村

海珠寺坐李備五病榻感話

萍踪偶聚古禪林
憐爾孱軀瘴癘侵
十載一官貧到骨
孤身百粵病驚心
青雲路失羞長鋏
碧海天高哭斷琴
島樹昏黃風吼浪
悲涼欲伴老龍吟

寄懷方東來先生

三載招攜半畝宮
饑驅無奈隔西東
人因詩瘦難騎馬
書爲愁多怕累鴻
感遇琴拋燕市上
還鄉夢斷塞笳中
可憐一管生花筆
祇傳公卿禮數隆

白牡丹和畢詠斯

一種瓊瑤琢不成
天香冷稱澹妝情
生來未染繁華習

程松皋北郭集飲分賦

蒼然春色滿崖阿勝地勞君載酒過衣帶烟嵐歸几席
手招猿鶴下松蘿好花幾樹鳥啼徧夕照一潭人影多
爲問聯吟諸少長蘭亭觴咏較如何

紙鳶

飄撇長空西復東衝霄不用羽毛豐扶持縱借春風力
綫索真通霄漢中幾日高飛欺燕雀一時仰面笑兒童
那知身是無根物蔽日遮天枉自雄

鑪峰贈瑞公

靡蕪數里入孤峰寺浸松陰幾萬重客過溪頭常遇虎
雲生鉢裏自藏龍一鑪活火燒新筍半嶺微風度晚鐘

偶洗團瓢收墨汁題詩贈我寫從容

白燕廬詩爲合肥李容齋相公賦

雙飄玉剪學鷗群似欲銜泥也助墳雪向相君衣上借
雲從子舍望中分白楊繞逕飛難見明月窺梁語始聞
微羽也教純孝格普天錫類仰元勳

坐讀易樓贈張衡臣兄弟

舊種高槐綠蔭門謝家亭館靜于村池通溪水錦鱗出
花落湘簾乳燕翻不道全家依北闕却容才子卧西園
賜書樓上書千卷許我閒來共討論

秋夜贈內

嫁得黔婁二十餘年貧家生事總茫然寒衣夜補防燈燼

龍眼廟初集卷十六
破竈親炊任婢眠紙閣淒涼虫語候蘆簾蕭瑟雁來天
酸辛歷盡何賒想轉覺齏鹽味可憐

投子山

百尺虹橋憶趙州緣崖猶上最高頭泉聲似爲遊人咽
山色猶含異代愁日落空林蕭寺影風飄敗葉墓門秋
平生無限登臨感豈獨興亡是此丘

題画

露白梧葉稀水碧蓼花發一篷倚篷窗吹落千江月

寄孫伊選

燕山雪樹影蒼茫夢裏尋君忘路長看取別時三尺劍
織塵莫使上鋒鋌

